



宋槧太平御覽



403
15



43
403
15



太平御覽卷第七十五

地部四十

溝

瀆

汎

渠

灣

明

浦



田八幡
中

新念圖書

此係八年八月
月八日
山田一人
悼君以贈
所購以贈

早稻田田田田田

釋名曰田閒之水曰溝溝者構也從橫相交構也

爾雅曰谿注谷曰溝

周禮曰匠人爲溝洫九夫爲井井閒廣四尺深四尺謂之

溝方十里爲域域閒廣八尺深八尺謂之洫風俗通又載也

傳曰梁伯好土功乃溝公宮

又曰魯將與齊戰師不踰溝樊遲曰請三刻而踰之衆從

之如樊遲約乃踰溝

又哀元年吳城邗溝通江淮杜預曰於邗江築城穿溝東

太平御覽

卷七十五

十一

北通謝陽湖西北至宋口入淮通糧道也今廣陵邗江是國語曰吳王夫差既殺申胥不稔於歲稔稱歲熟也乃起師北征開為深溝通於商魯之間開掘地商宋也北屬之沂西屬之濟以會晉定公于黃池

論語曰禹盡力於溝洫

史記曰漢王四年王軍廣武關中兵益出當此時彭越將兵居梁地往來苦楚兵絕其糧道齊王信又進擊楚項羽恐乃與漢王約中分天下割鴻溝而西者為漢鴻溝而東者為楚項羽歸漢王父母妻子軍皆呼萬歲羽解而東漢王欲引而西用張良陳平計乃進兵追項羽博物志曰徐偃王治其國仁義著聞欲周行上國乃通溝陳蔡之間得朱弓朱矢又曰酒泉延壽縣南有山石水出處如草地為溝

酈善長水經注曰高唐縣有甘棗溝水側多棗故俗取名溝焉

殷氏世傳曰殷襄為滎陽令先多淫雨百姓饑饉君乃穿渠入河四十餘里疏導原隰用致豐年民賴其利號曰殷溝而頌之

莊子曰尋常之溝洫巨魚無所還其體而鯢鱣為之制孟子曰思天下之民匹夫匹婦有不被堯舜之澤若已推而內之溝中

楊子圖經曰六合縣東三十里從岱石湖入四里至溝中心與陵分界案後漢書張綱為廣陵太守濟惠於百姓勸課農桑於東陵村東開此溝引湖水灌田以此號為張綱溝

汜勝之記曰吳王濞開茱萸溝通運至海陵倉北有茱萸

村以村立名故史記云邗溝卽吳王夫差所開漕運以通上國

崔豹古今注曰羊溝者言羊喜牴觸垣牆故為溝以隔之一曰植高楊於其上故謂之楊溝古詩曰今日斗酒別明日溝水頭蹀躞御溝上溝水東西流

瀆

禮記月令曰季春之月道達溝瀆開通道路

爾雅曰溝注澮曰瀆水流不絕曰瀆

漢舊儀曰祭四瀆用牲

崔鴻十六國春秋前秦錄曰建元十二年堅以關中水旱不時議依鄭白故事發王侯以下及豪強富民僮隸三萬人開涇水上源鑿山起堤通渠引瀆以溉田民賴其利

伏滔北征記曰姑熟西北有甘寧墓孫皓時占者云墓有王氣皓鑿其後十許里曰直瀆水合而瀆越絕書曰銅沽瀆長一百五十步去縣二十里

渠

史記河渠書曰禹以為河所從來者高難以行平地數為敗乃釀二渠漢書音義曰釀分也以引其河載之高地過降水至于大陸播為九河也鄭國間說秦令鑿涇自中山南西交瓠口為渠溉斥鹵之地四萬餘頃收皆畝一鍾於是關中為沃野無凶年秦以為富強卒併諸侯因命曰鄭國渠漢書曰禹作二渠以引河武帝時穿渠水岸苦崩乃鑿井深四十丈井下相通井渠自此始得龍骨名龍首渠起谷口入櫟陽注渭中因名渠民得其饒歌曰田於何所池陽谷口鄭國在前白公起後舉鍤為雲決渠為雨

又曰張掖郡有千金渠
范曄後漢書曰樊密所起廬舍皆有深堂高閣陂渠灌注
又池魚牧畜有求必給
魏志曰遼西單于蹋頓尤強公將征之鑿渠自滹沱入孤
水名平虜渠又從洵河口鑿入潞河名泉州渠以通海
又曰建安十八年九月鑿渠引漳水入白溝以通河
又曰賈逵爲豫州刺史通運渠二百餘里所謂賈侯渠
北史曰郭衍爲開漕渠大監部率水工鑿渠引渭水經大
輿城北東至于潼關漕運四百餘里關中賴之名曰富人
渠

隋書薛胄爲兗州刺史先是兗州城東沂泗二水合而南
流汎濫大澤中胄遂積石堰之使決令西注陂澤盡爲良
田又通轉運利盡淮海百姓賴之號爲薛公豐兗渠

唐書曰溫造爲朗州刺史在在開後鄉渠九十七里溉田
二千頃郡人獲利乃名爲右史渠造自起居舍人出郡
水經注曰漢司空漁陽王梁之爲河南也將引穀水以溉
京師渠成而水不流故以坐免後張純堰洛以通漕洛中
公私懷贍是以渠今引穀水蓋純之創也
又曰漢明帝之世司徒伏恭薦王景善能治水顯宗詔與
謁者吳始作浚儀渠吳用景法水乃不害此卽景作所脩
故瀆也渠流東注浚儀故復謂之浚儀渠也明帝十五年
東巡狩至無鹽帝嘉景功拜河隄謁者
又曰魏武帝又堰漳水迴流東注世號天井堰二十里中
作十二燈燈相去三百步令玄相灌注一原分爲十二流
皆懸水門自城西東入逕銅爵臺下伏流入城東流謂之
長明渠

戴延之西征記曰洛陽城外四面有陽渠水周公所制也
建春門外二橋最大一從一橫
續述征記曰案河渠書溝洫志引河為洪溝一說秦至魏
鑿渠引河灌大梁名曰洪溝焉
崔寔政論曰戰國海內十二分魏州有史起引漳水灌鄴
民以興歌蜀郡李冰鑿離堆通二江益部至今賴之秦開
鄭國漢作白渠而關中號為陸海
郡國志瀛州平舒縣古五渠水魏延興初文安縣人孫願
等捕魚此水先祭忽有群魚從西而來有一人異甚謂願
曰若得大魚勿殺及下網魚果得大魚乃殺之腹中盡得
其祭食群魚並飛遂不復得因名此處為飛魚口
鄴城故事曰西門豹為令造十二渠決漳水以溉民田因
是戶口豐饒今渠一名安澤陂是也

內黃圖經曰前漢倪寬遷內黃令吏民大信表開六輔渠
以大溉灌獲利因名曰倪公渠
說文曰剛水流也
周禮曰倍洫曰剛
嵇康養生論曰或益之以剛澮
說文曰澮水流澮澮也廣二尋深二仞
書曰予決九川距四海澮澮
爾雅曰谷注溝曰澮
釋名曰澮會也小溝之所會也
續述征記曰齊人謂湖為泚泚中有九十九臺皆生結蒲

馬因此蒲生自結
風俗通曰汎莽也言其平望汎莽無崖際也

灣

酈善長注水經曰沅水又東歷臨沅縣西爲明月池白壁灣灣狀半月清潭鏡徹上則風籟空傳下則泉響不斷行者莫不擁櫂嬉游徘徊愛翫
江夏記曰敗船灣在縣西北七里案吳志云孫權與群臣泛觴於大船江中西上逢惡風權遣樵工張頡取灘洲谷利拔劔擬樵工急取樊口未及至口灣中船破因名敗船灣權至岸謂谷利曰何怯於水也谷利曰大王駕乘之主欲涉不測之淵一旦傾危社稷何寄因登陸路而歸
尋陽記曰蠡湖西灣夏秋水渺漲商徒縈紆牽舟循繞人力疲勞號爲西疲灣亦云西灣又有白漕灣亦在湖西汎

漲驚波似雪洶涌漕灣因是名焉又有落星灣灣內有落星石周迴百步許又有神林下有廟祈福而獲前進由是名焉又有女兒廟禱祈亦有靈應即不許所置

永嘉郡記曰樂城縣三原亭去郡百二十里溪水清如鏡曩昔有得一死鮎者鬚大五六圍一鱗輒得數十斛鮮此灣無所不容有人能食者常自譬腹如三原灣無所不容水經注曰渭水東南與神澗水合開山圖所謂靈泉池也俗名之爲萬石灣泉深不測實謂靈異先後慢遊者多罹其斃

鄱陽記曰清灣在縣東南七里隋開皇中太守梁文謙莅官清潔取此灣水以自供後人思其德號爲清灣

浦

說文曰浦水濱也

詩曰率彼淮浦省此徐土

郡國志曰夏口浦有龍魚昔禹南濟黃龍夾舟之魺

楚詞曰望滄陽之極浦

述異記曰上虞縣有石馳步水際謂之步也瓜步在吳中

吳人賣瓜於江畔因以名也江中有魚步龜步湘中有靈

妃步按吳楚間謂浦為步蓋語訛耳

吳錄曰富陽浦漢末為吳縣於津吳大帝時有浦通浙江

至廬溪及桐溪故曰桐廬縣東有大溪注廬口淶波青巖

昔晉徵士散騎侍郎戴勃遊此自言山水之極致也

郡國志曰金陵西浦亦云項口即張碩捕魚遇杜蘭香魺

也

江夏記曰南浦在縣南三里離騷曰送美人兮南浦其源

出京首山流入大江春冬涸竭秋夏泛漲商旅往來皆於

浦停泊以其在郭之南故稱南浦

續搜神記曰廬江箏笛浦浦中昔有大船覆水內漁人宿

旁聞箏笛之聲及香氣氤氳云是曹公載妓舡覆於此

太平御覽卷第七十五

大平... 禮記注本由一勾本作皆 春秋內事地有十三分清本
三作二 晉書登降詭曲之因因作回 博物志又曰若
計共四隅共疑其訛 管子南北二萬六千里七字脫
地下

地部舉諺

地上

禮記注本由一勾本作皆 春秋內事地有十三分清本
三作二 晉書登降詭曲之因因作回 博物志又曰若
計共四隅共疑其訛 管子南北二萬六千里七字脫

地下

淮南子注西方有顓頊之國按顓頊水帝方宜在北 扶
木之池清本池作地 鴻水之州州當作洲 蓐收之所
司者注下物清本下作萬 普人無私清本大作天 正
靜以利和清本無利字 養衰老老字脫 注物告成也
告作浩

土

春秋元命苞十夾一為土清本來作從 後魏書吾四子

太平御覽

舉諺

皆五服清本服作眼 十六國春秋尚書張郡郡疑羣訛
晉書符堅傳煙氣火起火大之訛今改焉

塵

左傳注言聚眾走聚字疑衍 魏志西北大雲風清本雲
作雪按雲字疑衍 晏子春秋晏子玄晏之訛 淮南子
蒙塵而欲無眊眊作昧 楚辭蒙世俗之塵埃也清本也
作乎

敘山

釋名山屬曰嶧注純石相積構純作絕按下嶧山出爾雅
作純石是也今據改 壺口注南河之地也地作壺 河
圖以天台地以通以天倒 白虎通言峻大大下行矣字
今刪 列子傳傳字衍

崑崙山

河圖括地象條出河圖始闔圖及龍魚河圖二書例當隔
圈別之 列仙傳又曰蓬頭髮髮上疑脫一字

鍾山

十洲記此洲受大玄生符籙清本受作及

玉山

穆天子傳西征來還清本來作東

終南山

唐書日當恩恩上下當有脫文

嵩山

續漢書於是以三百戶封戶字脫下有圈誤也今刪 日
崇高為嵩高也按此文有誤當作日萬歲為嵩呼也 世
說玉漿耳清本無耳字 嵩高山記似承露盤有石暗滴
下清本似作以石下當有脫文 郡國志有白露露當霧

太平御覽

舉議

二

訛 華山 十六國春秋前趙錄趙作燕 探策探作採 列仙傳合
金神丹金下當有液字 中陵王清本陵作靈

泰山

語曰注孔子下當有弟子二字 博物志主召人魂魄魄
字脫 白虎通封者廣厚也五字疑注文錯入 漢官儀
柏千餘株餘字脫下泰山記同 列仙真人傳與明服之
明下當有靈字 上黨記區種而食而作師

恒山

史記諸子往竟無所得往賁倒今改正 神農本草名神
護護作農

霍山

白虎通為霍山者何按何下當有霍護也一句

列子方七百里百字脫

太行山

神仙傳服黃菁鈇華清本鈇作松 唐書當我助爾破之清本當我作我當

首陽山

史記舍之二字脫 瓊語於滄平清本於上有而字

岐山

孟子事之以犬馬不得免一句脫 導峴及岐峴作汧

梁山

傳晉侯召伯宗作晉宗伯宗 天有山天崩之崩以上脫

爾雅注全文脫管宗前宗 天台山天賦之賦以土總

太白山

三秦記或云清本或云二字無

積石山

穆天子傳以飲于枝澗之中注水岐成日詩澗澗也詩皆作詩澗作諸

會稽山

吳越春秋脩治國脩字脫 又觀中州諸侯觀當作觀

夏侯曾先志卷首引書目作先會稽記或亦略稱先志也

天台山

啓蒙記注溪水險清冷險下疑脫一字 幽明錄捫蘿二字脫

續搜神記一名瑩珠此文上下當復有一女名蓋

脫文也

茅山

茅山記蒼州州作川 又銅鐘清本鐘作鍾 又玉門門

疑冊訛 又注三材耳清本材作折按材村之訛

廬山

廬山記二千五百里百作十 張僧鑿清本鑿作鑿 周

景式廬山記迥望清本迥作迴 遠法師遊山記疑神覽

視疑字脫 尋陽記又曰皆隱起焉皆作背

蔣山

梁書詔使停火火字脫 金陵地記又曰還罷都還罷疑

倒

九疑山

神境記黃蓮花黃字疑衍

玉笥山

太平御覽

舉議

州

玉笥山記聿來棲上上當止訛 入此山入字脫清本無此字 碧綬素簡簡疑冠誤 予修通嘉禾予字脫

河南宋鄭齊魯諸山

砥柱山 搜神記乃殺龍頭殺疑截誤 邙山 楊佺期

洛城記北山北下當有邙字 續漢書五行志至阿上阿

疑河訛 熊耳山 西京雜記葉似江蘼云云按此文承

上亦當隔圈接上為一行 鼓鍾山 山海經鳥酸清本

鳥作鳥 嶠山 漢書素宿清本宿作當 青要山 注

水經清本注上有圈 白馬山 十道志故溪閒閒字有

誤 太陰山 十道志梁丙陰趨率戎代穎清本陰作張

戎上有陰字 蘭巖山 傳曰莫知年歲知字脫 礪山

水經注消予清本予作子 歷山詩謂之歷山清本無

詩字蓋因上峙下謂兩字誤衍 嵇山 水經取稽字之

上清本作取稽氏之義 金鄉山 西征記魯恭下疑有

脫文 三人並免官三當二訛 羽山 左傳其何厲之

有何以下脫 巖山 三齊略記棲巖山山字脫 水魚山

述征記一名五山清本五作吾 降茲超室下西征記

亦出此事茲作弦茲弦兩字疑有一誤 勞山伏琛琛作

深 蒙山 高士傳王去王作至 吠狗山 又地理志

又字無謂衍文耳 商洛襄鄧淮蔡諸山

白於山 水經又曰漢水水字有誤 商山 晉書千里

隨師隨作追師字脫今改補再按隨從舊作追自可 永

平中晉代無永平之號平字有誤 武當山 甄異傳隨

到襄陽隨字有誤 大狐山 水經注北如東如字疑衍

大洪山 水經注而穴內云云按而疑以誤 出于其

隕陰隕陰疑倒塗山左氏傳按此條當與上合為一節
 梁山宋書雙闕闕作閱
 關中蜀漢諸山
 牛首山山海經狀似組清本組作鮒又秀如禾秀作莠
 藍田山後魏風土記次北北作比舊居於是是字闕
 太白山錄異傳故置髻頭騎也清本髻作髻是也
 五將山十六國春秋久長得先是得字脫下同先作免
 仇池山三秦記乃氏之所埋於此句上疑有脫文
 青城山益州記崗巒粵粵上當有峇字李膺記澗二百步澗當澗訛
 石境山華陽國志有石瑩皓絜瑩下疑脫一字
 鼎鼻山十道記九鼎淪亡清本亡作一
 黃厥山郡國志驚之有聲驚當擊訛
 高粱山江源記巖梁山按巖疑巖巖之脫

河北諸山

大伾山張揖云即謬矣矣作山天門山水經注山俗作注曰牢山後魏書陳闕陳作陽介山左傳曰且旌善人曰善二字脫
 風山水經注習常習疑尋訛
 管涔山水經注又為管子山子作字山字脫
 五臺山水經注水不流清本不作下
 懸甕山姚最序行記于此二字脫
 紇真山冀州圖經宛然然作山郡國志凍死雀凍作涼
 紇骨冷清本紇作絕
 三山隋圖經河東都都當作郡
 後魏曰日上當有書字
 霍山爾雅不載此文
 湯山隋圖經下經銅烏廟經字有誤
 黑山魏志自統睦固等清本睦作睦
 鼓山冀州圖經未幾云云字疑衍
 隆廬山隋圖經蓋隋縣蓋隋

字疑有誤 大碣石山 地理志潮水大至則隱則隱二字脫 歷山 後魏輿地圖形似覆釜故以名之按歷蓋與高假借故云 大翻山 山海經翻然高飛清本翻作翻 飛龍山 十六國春秋率鮮卑山字疑衍 趙記東海婦婦字脫 無終山 搜神記陽翁陽當作雍 北平徐氏氏作白 龍山 隋圖經有龍山有字疑衍 法師有滯有疑且訛

江東諸山

牛渚山 輿地志輸造石石下疑脫一字 蕪湖山 宣城圖經常塗縣常當作當 黟山 歙山圖經海之濫觴也之作上 夏日夏作愛 蓮池蓮作運 三山 丹陽記名三山名作石 鐵硯山 丹陽記今鼓鑄之清本下有地字 攝山 江乘地記有周江乘廟按江乘字誤錯

據注或是氏字 黃鶴山 輿地志麋之方已巳作也

北固山 京口記舊北固作固字按據下文固字之固當作顧 實為壯視清本視作觀 三白山 南徐州記北

就虞山北作比 陽城山 吳地記雲氣屬天屬天疑倒

包山 左傳云舊無三班班當作斑 栗山 吳地記

吳先王王疑主訛 印渚山 吳興記至印渚中渚字脫

天目山 雜道書上有淵淵疑當作湖 卞山 郡國

志有一石簣按簣櫃假借 宋書未守禾作太

會稽東越諸山

秦望山 水經注越絕云絕下當有書字 山東有堙井

井字脫 有石簣山簣字脫 山的狀的字疑衍 有石

室之為射堂之疑是訛 嵎山 水經注吹陸清本陸作

水 塗山 會稽記形似鍾鍾作鐘 土城山 會稽記

苧蘿山苧字脫蘿作羅 龍頭山 會稽記學仙坐其上
 仙字脫上作一 桃都山 郡國志鷄下聞之鷄下當作
 下鷄 消山 郡國志似婦人似字脫 靈石山 臨海
 記故曰靈山石當作靈石山 黎嶺 泉山記有鍾離清
 本鍾離作種黎 武夷山 傳云以下別提前行復出武
 夷山日皆誤也今據清本改正 鷄巖 建安記武夷山
 澗澗作瀾

南楚諸山

黃鶴山 江夏圖經黃鶴從天而夜響是也而作之也字
 脫 武昌山 續搜神記急歸急作而 白雉山 江夏
 圖經西出金出字脫 羅霄山 安成記吏人禱之禱作
 擣 鍾山 安成記湧沸瀆上按瀆噴通清本上作山
 黃唐山 輿地志下有方楊者者疑有誤 山下居人人

字脫 上洛山 輿地志郤走郤作知 歸美山西面西
 作四 鄧公山 信州圖經為鄧公場公場二字闕 鶴
 嶺山 信州圖經有鶴巢清本巢作窠
 西楚南越諸山 靈山 靈山 靈山 靈山 靈山 靈山
 荆山 河圖括地象為軒轅星轅字脫 勾將山 勾將
 山記如丘浪勢焉浪疑隴字以聲訛 佷山 宜都記拜
 先請之清本先作而 欲摘之者亦如魚請之者亦三字
 脫 名千歲木木字脫 宜陽山 宜都記長楊以下闕
 武山 武陵記在縣之西西字闕 風門山 武陵記
 風起資人清本資作競按人當天訛 臨賀山 荆州記
 拂掃石上拂掃作拂拂 數十里間清本間作聞 百丈
 山 桂林風土記自府北驛路北作地 南溪山 桂林
 風土記古今所遺清本遺作遺 慮山 裴開廣州記清

本開作淵是也 火山 嶺表錄如野花之狀狀字脫

隴塞及海外諸山 隴山 周地圖記涕零雙墮按淚零以聲訛 可藍山

涼州記縣接百泉界縣字脫 天山 山海經注文全闕

焉支山 涼州記一名刪丹山名字脫 臨松山 十

六國春秋掖字字脫 初祚祚脫 一名馬蹄山名字脫

鴻鷺山 穆天子傳璧玉之山清本璧作羣 沙角山

西河舊事又云注文全闕 巫咸山 大荒西經巫咸

巫即巫直十里巫巫即之巫脫清本直作真無里字蓋衍

文 郭璞云群巫上下靈山上作山按此文承上當與上

合不可別提 䟽屬山 山海經注可以近較揆之矣清

本較作數按較效之訛 恒不離左右恒作惜 俞山

山海經其名曰白蒼蒼作若 注或作作字作非白蘇蘇

作若 地山 山海經注駟玉鳳清本駟作驅鳳作虬玉

誤王鳳誤風今皆改正 東口山以下二葉脫今以清本

補 密山 山海經注禮註續密以栗密作玉不詞今據

聘儀改焉

石上

釋名楊注社浪切浪作辰按社蓋杜字之訛 周禮注王

所登上車車作居 傳又曰今宮室今字脫 春秋說題

辭山含石含作合 又按說苑云此數句當合於上條

又曰擊荊州按州字不通當作荆 雨五色石五字脫

王隱晉書又曰請雨雨作石 後周書字季珉也季字脫

唐書祖龍潛祖上當有高字 落郊之莊舍落當作洛

列子藉芴芴作荷 烟燼燼作爐 萬畢術注及桃二字

闕 隋巢子注即母清本作母即 神仙傳白石生者白

作日石字脫 西京雜記又曰魚嘗鳴吼按魚上當有鯨字 拾遺記又曰魏明帝云云下復有魏明帝此魏蓋漢字之誤 斯為靈徵徵字脫 洞冥記貢馬肝石肝字脫 異物志冷則灌之清本灌上有水字 漢官儀馬伯茅清本茅作第 玄中記至秋礮盡秋字脫 郡國志又曰貴州有洞池清本貴作桂 又曰塗牛塗字脫 異苑如言扣之扣字脫 水經注其先作先其 稚夷奴也清本稚作雅 地理記又云有女人云云按此文承上別提及加又云字皆繆始興記取之則悶絕取字脫 對封丘之奴清本無對字蓋衍文 卽知其所自其所二字脫 丘

說文故從北故字脫 在崑崙東南東南二字脫 傳不利行師行字脫 爾雅注為敦為字脫 水潦所還曰埒丘注還音環還作官環字脫 淮晉准字衍 注晉陽陽縣一陽字衍 穆天子傳又曰天子東征舍乎五鹿重征舍二字 天子以下闕 注水經又曰因舉而藥之舉字脫

陵

詩鴉彼彼字脫 禮眺望下清本有可以升丘陵一句是也 春秋說題辭成其廣清本廣下有大字 孝經援神契注澤不徧清本徧作偏是也 莊子又曰孽狐下竄入前篇所闕穆天子傳天子以下一十六字

阪

漢書地理志故曰蒲泰更名按蒲下脫反字泰當秦訛

注應劭說語意不了疑有脫文 注水經又曰今城臯城當作成 列女後傳昌榮清本昌作呂 述征記東京賦曰曰字疑衍 新序當載當字有訛 辯者辯當作勇

穆天子傳至于鈺山之下注即井鈺山按井鈺即井陘陘陘聲轉也

峽

荆州記云朝發白帝清本無云字 到影到當作倒 始興記中宿縣中字脫 南康記又曰峽中白水清本白水二字合作泉字按峽中泉亦不詞疑有訛誤 峽程記咤灘瀨灘瀨字脫

岡

丹陽記清本爾雅下出豫象記次廣州記次為丹陽記與

此本次序不同 有龍沸潭龍字脫 豫章記舊記說清本無記字 安成記成亦作城未審孰是 石門清本門作間 南康記陳蕃墓墓在青龍岡清本無基字在作前按基與墓以形似致衍 任端休江陵記清本任作伍 妄竹岡清本妄作斑 酈道元注水經注下注字疑衍 鄱陽記又有小雷岡岡則雷煥所居之處則作側雷煥句別提上有又曰二字

巖

齊書山多龍鬚檉清本檉下有柏字 荆州記又曰鴟尾上當有脫文 鄱陽記又曰多密巖密疑密訛

穴

說文穴土室也土作者 莊子越人無君清本下有求王子搜四字 水經注又曰駕部口清本部作步 又素崖

峭立峭字脫武昌記乘火而入乘當秉訛臨海記海
虞縣海字脫婁地記青泉清本青作清荆州記則知
知字脫郡國志又曰潛通于海清本海下有傍字

老子又曰知其榮守其辱其榮守三字脫郡國志俗云
太公公下疑有脫文

建安記又曰忽有一人株清本無人字人株疑倒
野

戰國策齊放其大臣大字脫豫章記掘神劍窟劍字脫
南康記下流百里里字脫

周易又曰乾行也行字脫注乃能清本無乃字韓詩

外傳著簪清本無著字周禮大司冠注刑亦作耻序

又曰縣士掌野合合當作各春秋合誠圖出河東南出
作三淮南子取其馬而擊之擊恐繫訛又霄霏注垠

鄂上疑脫無字霄讀線緙清本作讀若緙家語子鉏
商子字脫呂氏春秋又曰吾所為謂自當清本無謂字

已為牲牲作特又至昭王滅周之歲在梁之下疑脫
年若歲字水經注跨澤澤字脫

周禮又曰慮禁令清本慮作憲
陸

釋名川流漉而去也漉下有也字周易注不能復反者
也清本者作之易坤靈圖先於河先下當有見字魏

名臣奏龐延秦秦疑奏訛莊子處陸陸字脫風俗通

與鼈令鼈令脫 傅子湯遇大旱遇字脫 傅咸扇賦陸
不乘舟陸字脫

阿

毛詩我阿我字脫 帝王世紀榆岡清本岡作罔 孫楚

王驃騎誅探贖清本探作探

峴

齊道記有鸞鸞鸞字脫 武昌記岡有石鼓石字脫

堆

漢書踰白龍堆龍字脫 水經注緱氏山緱作維 仙者

昇焉仙字脫 又直北隔阿清本阿作河 又天地大澤

地疑池訛

又曰培塿

墨子培塿之側側作沉

林

詩又曰注相招賢人往從之使疾清本無相字按今詩注

作先君招賢人賢人往之駛疾 又注置人平林人當之

訛 周禮又曰平其地之民之字脫 五經鉤沉沉作深

史記大戲沙丘清本上有大奏樂三字 漢書斧不入

於山林斧下當有斤字 漢南記閉門成市閉當開訛

荊州記又曰大路經曲清本曲作出 風俗通西南五六

里里字脫 國語而惡殺之也殺也二字脫

原

爾雅又曰注犍為舍人以下清本無按此注當入上廣平

曰原下 西征記不知巨極巨疑紀訛

隰

春秋說題辭下濕曰隰曰隰二字脫

太平御覽

舉義

三

水上

詩注不宜濟濟字脫 爾雅直波曰徑徑當作涇 魏略
 清本略下有日字 故去洛水按去洛倒 晉書又曰燒
 安悉香清本悉作息 齊書並宅宅字脫 唐書又曰方
 渠合不波清本不作水 滯泉清本滯作淳 列子又曰
 人故不可與微言耶清本故作固 莊子又曰龜龜清本
 龜作鼈 文子遠淪清本淪作渝按渝當作輸 注莫知
 其極知極二字脫 又曰大不可極大字脫 墨子清本
 子下有日字 管子好仁也清本無好字 淮南子流遁
 流字脫 振蕩振字脫 无所右无字脫 又汾水宜麻
 清本水下有濛濁二字 又萬畢術注合冶冶作合 孫
 卿子浩浩乎下浩作之

水下

吳越春秋勿令其露令字脫按洲部輿地志述子胥事亦
 有此語恐是一事兩傳以文同今據補入 山海經見天
 下大水清本見下有則字 水經注又曰沫水沫作沐
 水脉漂疾脉字脫 又巨峻峻作岨 又上望上之按當
 作望之上 又置博南山名也山名也三字疑衍 續述
 征記時其出清本時作待 始興記斛銀清本斛作餅
 隴右記故詔誥誥一誥字衍 方輿記且飲飲字脫 郡
 國志灞水淥滴滴清本無淥字

水災

史記注渭水秦大川者清本者字在水下按者字在陰陽
 色亂下於文為當 古今注元初二年年字脫

海

王隱晉書及問諸故老問字脫 莊子又曰人皆存七竅

清本存作有 孝子傳寧息惟譽咎按息當思訛 博物志立屋於上查清本作查上 十六國春秋舊海水凌按水疑不訛

江

春秋元命苞聞神潤化清本聞作開 晉書又曰丁義如清本如作始 傅子以其不逆之清本之作眾流

河

呂氏春秋朝夕潮上潮朝訛 漢書又曰以爲水猥按溝洫志猥下有盛則放溢少稍自索雖時易處猶不能離此上古難識二十一字 說苑猶澗耳澗作潤 慎子駛如竹箭如字脫 物理論一曲一直清本曲上有大字 淮南子河水九折河字脫 崑崙之輪輸作輪 孝子傳三洲者人者人倒洲作州 祥瑞附 祥瑞下注河附二字

按下敘縣附出邑鄉營里坊隣六事提目邑鄉以下小書下有附字而分目皆注一附字於書法爲得宜全編體例宜一故今從敘縣改正以下倣之 河圖折溜而止溜作溜 運斗樞注躔之遊反遊疑逝訛 沉祭 穆天子傳獵于滲澤于滲澤脫 以祭于河宗宗字脫 決塞 漢書又曰但用木與土木作太與作以 陪厚厚作原 謂最下策也清本謂下有之字 水經注漢明帝云云以下別提非是今改焉

淮

水經注至原鹿縣南清本南作西 劉向說苑淮以以下脫 晉陽秋晉字脫

涇

書注屬逮也清本逮作連屬 國語人三爲衆一句脫

弗獻獻作許 漢書又曰復秦穿渠清本下有引涇水三字 田于何所何誤作河今改 益部耆舊傳女人星見星字脫

五行傳陰陽錯亂錯字脫

水經注舊有便門橋有以下脫

水經注武王承乏清本承作成

水經穀陽穀下穀當作谷 山海經谷陽谷上谷當作穀

國語又曰三河竭三字脫 水經注加佳焉佳字脫

漢河 韓子去十數步數字脫 水經注尚書以下十一字脫

匯澤注音胡賄反賄誤鮪今改 又曰下臨龍井諸泉深數丈清本諸作渚 水經沮縣東縣東二字脫

秦水 陝縣圖經魚水清本魚作魯 澧水 說文經衡

山之經作雉 水經注此節全脫 滑水 孟子惠鄭國

之政惠當作聽 濮水 莊子曰莊子二字脫 呂梁水

列子不能游也以下六字脫 汜水 水經入滎陽滎

字脫 泗水 博物志又曰白頸鳥與里鳥清本頸作鷄

二鳥皆作鳥 洙水 論語比考讖比字脫 沂水 水

經臨樂山樂字脫 祚泉清本祚作柞 尸子尸作老

汶水 從征記迴巖池谷清本池作絕

河北諸水 水經謂之清水矣謂字脫 漳水 又曰尚書云
 云此文別提非也又曰字當刪 汾水 十三州志脩岩
 岩作層 州志下復出說文十五字清本無今據刪 水
 經汾津名也津字脫 上載山阜載當作戴 又亦清本
 無又字 沁水 水經注南逕石門逕誤巡今改 石曰
 河 水經注知其難立言清本言上有具字 訓后叔父
 后下當有父字 叔父陔陔字脫 漏水 水經以其道
 源道源疑有誤 桑乾河 注水經銜水出清本無出字
 有若字按水疑之誤出字不可欠若字當補入
 關中諸水 分目脫今照下隴蜀江南補入
 隴蜀諸水
 屏山水 郡國志有金銀碎珠銀字脫清本作碎珠金銀

馬池水 開山圖開誤關今改 水經注是比清本作
 來淵之異 湟水 漢書地理志語湟河按語以下似他
 書之文語上下當有脫誤 秦淮水 江寧圖經鳥利清
 本作鳥利

江南諸水

豫章圖經漳水合按漳上當有與字 浙江水
 山海經東入海清本東上有南字 海今之浙江五字脫
 與地志俗謂之若水清本若作霅 不竭泉
 永嘉地記皆號孤房皆字有誤 沅水 水經又曰釣渚
 漁詠渚疑有誤 湘水 說文陽海海下當有山字
 湖

述征記欲往飲飲字脫 梁典掘其石清本石作右 水
 經注名曰擔生清本擔作檐 吳志刻上刻上疑倒 輿

地志丹徒陳驪陳作高語林注云云按當作褚公褚裒也季野裒字也褚裒與孫綽同時人彥回則齊褚淵字耳池

史記臨南郊山清本臨下有溜字山下有下字漢書注習水戰也也當作池曹昆清本昆作毗武帝時灰灰誤作夾今改三輔故事作昆池昆下當有明字宜都記唯兩道可通餘皆峻嶮通字脫餘作以襄陽記習都太清本作習郁大穆天子傳又曰歌白雲謠白雲謠三字脫

谿

管子迴車未至卑耳之谿車字脫耳作卑俗說郗僧施清本施作遊郡國志朝楚朝疑有誤又曰遊翫之處之處二字脫吳興記在烏程縣南程字脫孫興公天

台山賦云上有圈

冰

詩曰鑿冰聲也上當重冲冲二字周禮注如甄甄作甝

家語嫁娶嫁字脫

博物志毛復也毛字脫注山上上字脫抱朴子又曰

濤水者潮也也字脫

水經注竹書紀年水經注三字脫唐史嚴震與與字疑

有誤脫天威親臨臨字脫

幽明錄飢餓欲死欲作僅志西征記有二澗澗作城下廣

武澗同韓子使吾法之無赦清本無赦作必行

晉書徐伯元元字脫 吳志其上人民上疑土訛 吳地
記魏大祖與祥下當有脫字 京口記彼人有焉人有疑
倒 郡國志姓丁丁作下 荆州圖經一十里十字脫
王知清本知作如 輿地志日月灼灼兮日月二字脫
丹陽記又日二年二疑三訛不然二上當有年號字

湍 清本注瀨附二字今據補

水經注聞其處分其作二 異苑劉以為膾膾字脫 益
部者舊傳名光雄清本光作先 荆州記雨亦徧應徧當
作徧 羊腹清本腹作腸 南康記康字脫 水經注負
刀牽牛牛字脫

灘

水經注有石石字脫據峽部所出荆州記文補

淵

韓子外傳馬果沈清本無果字蓋衍文 水經注石勒建
平二年按平作安石勒無建安之號其誤無疑故改 荆
州記經途於此經途疑倒 莊子舜以天子子當作下
上林賦紫淵淵字脫 山川記應時天雨天疑大訛

泉水

易蒙卦蒙誤象今改 水經注又日土穀縣土當作上
十洲記玉膏山字脫 荆州記又日飴之清本飴作飼
郡國志謂之石漆之字脫 淮南子黃埃五百歲生黃
湏一句脫 上者就下注其氣復復於天下也清本上復
作陽 赤湏七百歲生赤金一句脫

漢水

列子神漢水水作山

瀑布水

廬山記峯表出清本作出峯表 清暑殿賦深波深字闕

天台山賦界道道字闕

温泉

華陽國志及汎清本汎作沉 幽明錄靈水靈作雲 三

秦記爲出温泉洗除洗除二字脫 荆州記人造泉所一

有聲所字脫一有倒

津

異苑石勒元初十一年按石勒無元初之號劉曜號光初

凡十二年此元初蓋光初之訛

渚

幽明錄以金鑠爲絳作爲鑠絳

瀆

詩又曰彼汾沮洳言采其葛葛當作莫按此詩與瀆無涉
蓋撰者一時以瀆汾音近誤取也

波

魏書又曰病在後後字脫 抱朴子又曰自投於水投字

脫 淮南子又曰楚有乘人清本無有乘人三字

藪

周禮幽州之澤藪曰獫狁養獫養作醫無閭 楊紆并州之

澤藪七字脫 國語又曰釐改制量象物天地比類百則

儀之于民而度之改作政量作景天作王比作以民而度

之四字脫 漢書鶴鵬鵬當作鵬 爾雅大陸大作孟

澤

西域傳又曰去玉關三百里字脫 晉書置于壁置字

脫 韓子韓下衍宣字今刪 水經注又曰龍鬯澤罷清

本作龍澤鬻罷 河南圖經箕背玉屋箕字闕 石牀文
選牀作林躬起乎其中其字脫今據文選補 丹水星星
字衍 湟池湟當作湟 混乎其陂混文選作燿焜

陂

漢書顧野王云按顧野王三字衍 起追怨起字衍 復
鴻邳陂陂字脫 形勝勝當作勢 續漢書清本續作後
譬之以下十四字脫叔度之器清本誤作器之按上文黃
叔度上下亦脫數字 謝承後漢書以承水脉以承行
水作地

橋

史記下取履履字脫 又而長吏以為渠水且至長字疑
有誤 唐書泛溢泛作涎 拓南岸數因岸字脫清本無
因字按數下有脫字 述征記方與縣清本與作輿 英

雄記界城橋橋字衍 郡國志魏文侯時候誤帝今改
十六國春秋五丈橋澤澤字疑衍 諸葛亮集因水漲漲
字脫

埭堰

晉書表孚表作表 梁典王是清本是作足 潼沱沱作
泡 十四年三字脫 俄而俄字脫 數萬人數字脫

塘

錄異傳以鼻一一疑上訛 錢塘記華信家富信家倒今
改 錢一升錢字有訛 幽明錄朱陽縣清本朱作耒
水經泛浸泛作涎

島

釋名島到也島字脫 齊地記又曰與鳥鳥作島

泥

太平御覽

舉義

三

神仙傳董奉君君字衍 廣州記天雨天當大訛

韓詩外傳隱曲之汜汜當作汜 沙州記大陽川陽作楊

水新安記素波澄膜膜疑暎訛 安成記徧米徧當作徧

遁甲開山圖沙土之浦浦作福 博物志又曰酒

周禮十里為域清本域作城按當作成 博物志又曰酒

泉云云清本此條在水經注條下則非博物志文也

漢書深四十丈清本無十字 隋書使決令西注按令字

有誤或是水字 水經注公私公字脫 又曰謁者吳吳

上當有王字王吳姓也 此即景作所脩作所疑倒 郡

國志異甚異字脫 及下網魚魚字衍 內黃圖經因名

名字脫

汎

續述征記皆生結蒲馬按馬焉之訛

灣

注水經臨沅縣沅字脫

浦

續搜神記香氣氤氳字脫 云是清本無云字

地部覆校舉譌... 淮南子廬敖廬誤廬... 世本猶稟君獨誤猶... 塊... 禮記稽弓檀誤稽... 敘山... 書荊州山誤州... 注雍洲... 州誤洲... 天台山... 異苑肇旣不議之識誤議... 續搜神... 記正赤壁立壁誤壁... 茅山... 茅山記一十二斤斤誤斤... 嶧山... 鄒山記數如閒居處如數誤倒... 驪山... 述征... 記王逐敗遂誤遂... 青城山... 李膺記有冰水誤冰... 覆... 船山... 益州記壁立難昇之路脫昇字... 中山... 宣城圖... 經漂水縣漂誤漂... 羅山... 會稽記有山足在誤有... 小... 白山... 名山路記李氏服氣法上脫受字... 江郎山... 郡... 國志從空隨墮誤隨... 句居山勿誤句... 石上... 周禮勞... 獨堯誤勞... 史記穀石城誤石... 謝承後漢書媯皓父父... 誤文下同... 南史到激山溉誤激... 後周書驚寢寢誤寢

地部覆校舉譌

地部覆校舉譌... 淮南子廬敖廬誤廬... 世本猶稟君獨誤猶... 塊... 禮記稽弓檀誤稽... 敘山... 書荊州山誤州... 注雍洲... 州誤洲... 天台山... 異苑肇旣不議之識誤議... 續搜神... 記正赤壁立壁誤壁... 茅山... 茅山記一十二斤斤誤斤... 嶧山... 鄒山記數如閒居處如數誤倒... 驪山... 述征... 記王逐敗遂誤遂... 青城山... 李膺記有冰水誤冰... 覆... 船山... 益州記壁立難昇之路脫昇字... 中山... 宣城圖... 經漂水縣漂誤漂... 羅山... 會稽記有山足在誤有... 小... 白山... 名山路記李氏服氣法上脫受字... 江郎山... 郡... 國志從空隨墮誤隨... 句居山勿誤句... 石上... 周禮勞... 獨堯誤勞... 史記穀石城誤石... 謝承後漢書媯皓父父... 誤文下同... 南史到激山溉誤激... 後周書驚寢寢誤寢

石下 十洲記四海西誤四 郡國志信郎誤即
 丘 爾雅如桑者乘誤桑 越絕書銅槨三里重誤里
 陵 吳錄握斷連崗掘誤握 阪 史記令聖主今誤令
 不側測誤側 岡 始興記白鹿鹿誤鹿 水經注旱
 天誤倒 穴 南康記聚有一角在誤有 郡國志王女
 樓玉誤王 太平御覽卷五十六卷下脫第字 阿 毛
 說詩誤說 史記榆岡岡誤岡 鹽鐵論泰山泰誤秦
 墟 新序是號之墟號誤號 林 風俗通金樹木今誤
 金 隰 傳收隰阜牧誤收 水下 晉書固大災因誤
 固 文子注此過尾間北誤此間誤閒 墨水子誤水
 管子水之溝流山誤水 淮南子注水形而不可毀差
 不誤重 水下 物理論居民駕駭驚誤駕 郡國志街
 盆衙誤街 淮 劉向說苑魏文侯侯誤侯 媯水 水

經注一水二誤一 沁水 水經注中郎將郎誤即 巨
 馬河 注水經烏翼鳥誤鳥 汨水 水經注即汨羅潭
 也脫汨字 湖 楊州記注令湖中今誤令 搜神記可
 忽作魚何誤可 九江記擲搏飯搏誤搏 冰 史記飛
 鳥鳥誤鳥 抱朴子以待夏月日誤月 泉水 宋書家
 貧貧誤貧 宣城記令作樂今誤令 津 水經定襄之
 問開誤問 渚 幽明錄以金鑰為渚絆誤渚 泚 釋
 名泚止也脫止字 藪 爾雅注音牙乎誤牙 澤 晉
 書雷兩兩誤兩 橋 郡國志魏文公侯誤公 沙 史
 記天子子誤予 渠 唐書在在任誤在

太平御覽卷第七十六
皇王部一
敘皇王上
尚書緯曰帝者天號王者人稱天有五帝以立名人有三
王以正度天子爵稱也皇者煌煌也
洛書曰皇道致故帝者興
易坤靈圖曰在政不私公位稱之曰帝
易緯曰帝者天號也德配天地不私公位稱之曰帝天子
者繼天治物改政一統各得其宜父天母地以養生人至
尊之號也太君者君人之盛也
易乾鑿度曰帝王興亡必察八部觀卦之符物之應動部
者入部之方候將興以孟月候將亡以季月觀非
卦之符如震則有龍巽則有雞之類物謂雲物也
又曰興於仁立於禮畢於義定於信成於智五者道德之

太平御覽卷第七十六
皇王部一
敘皇王上
尚書緯曰帝者天號王者人稱天有五帝以立名人有三
王以正度天子爵稱也皇者煌煌也
洛書曰皇道致故帝者興
易坤靈圖曰在政不私公位稱之曰帝
易緯曰帝者天號也德配天地不私公位稱之曰帝天子
者繼天治物改政一統各得其宜父天母地以養生人至
尊之號也太君者君人之盛也
易乾鑿度曰帝王興亡必察八部觀卦之符物之應動部
者入部之方候將興以孟月候將亡以季月觀非
卦之符如震則有龍巽則有雞之類物謂雲物也
又曰興於仁立於禮畢於義定於信成於智五者道德之

太平御覽卷第七十六
皇王部一
敘皇王上

公天人之際聖王之所以通天意而明至道也
又曰王者天下所歸天子者繼天理物改一統政大君者
人君之盛浸大之化行於萬人宜處王位施大化爲大君
也

周書曰三王之統若循連環周則復始窮則反本
尚書大傳曰三土之治如環之無端如水之勝火
又曰古者天子有四隣前曰疑後曰丞左曰輔右曰弼有
問無以對責之疑可志而不志責之丞可正而不正責之
輔可揚而不揚責之弼

韓詩外傳曰明王有三懼一曰處尊位而恐不聞其過二
日得志而恐驕三日聞天下之至道而恐不能行
又曰君者群也群天下萬民而除其害者謂之君王者往
也天下往之善養生人者也故人親之善辨治人者也故

人安之善顯設人者也故人親之善粉飾人者也故人悅
之四德具而天下往之四德無一而天下去之往之之謂
王去之之謂亡故曰道存則國存道亡則國亡
大戴禮曰古者天子常以季冬考德以觀治亂得失
又曰昔堯取人以狀舜取人以言湯取人以聲文王取人
以度

禮曰君天下曰天子

又曰天子以德爲車以樂爲御

又曰昔先王尚有德尊有道任有能舉賢而置之聚衆以
誓之是故因天事天因地事地

又曰帝嚳能序星辰以著衆堯能賞均刑法以義終舜勤
衆事而野死鯀鄣洪水而殛死禹能脩鯀之功黃帝正名
百物以明民共財顓頊能脩之湯以寬治民而除其虐文

王以文治武王以武功去人之災此皆有功烈於人者也
 又曰王天下有三重其寡過矣乎三重三王之禮也
 又曰孔子曰大道之行也與三代之英丘未之逮也而有
 志焉大道謂五帝時也大道之行也天下為公選賢與能講信脩
 睦故人不獨親其親不獨子其子使老有所終壯有所用
 幼有所長是故謀閉而不興盜竊亂賊而不作故外戶而
 不閉是謂大同同猶和
 又曰故聖人作則必以天地為本以陰陽為端以四時為
 柄以日星為紀月以為量鬼神以為徒五行以為質禮儀
 以為器人情以為田四靈以為畜
 又曰故聖王脩義之柄禮之序以治人情故人情者聖王
 之田也
 禮斗威儀曰帝者得其英華王者得其根核霸者得其附

支故帝道不行不能王王道不行不能霸霸道不行不能
 守其身○禮含文嘉曰山澤者三皇五帝之感應也
 春秋演孔圖曰正氣為帝閏氣為臣宮商為姓秀氣為人
正氣為若木則人得蒼龍之狀靈威仰之氣以生之
 又曰天子皆五帝精寶各有題序次運相據起必有神靈
 符紀諸神扶助使開階立遂遂當作隧
 又曰王者常置圖錄坐旁以自正
 春秋元命苞曰皇者煌煌也道爛然顯明帝者諦也
 春秋文耀鉤曰王者往也神所向往人所歸樂
 春秋運斗樞曰宓犧女媧神農是謂三皇也皇者合元履
 中開陰布網指天畫地神化潛通
 春秋合誠圖曰大帝之精起三河之州中土之腴
 又曰大帝冠五彩衣青衣黑下裳抱日月日在上月在下

黃色正方居中間名曰五光正黃而名之曰五光者蓋以黃為質而衆彩就飾之故曰五色謂此大帝人象旁文也

春秋保乾圖曰天子至尊也神精與天地通血氣含五帝故人受天地氣而生天愛之子之也

春秋佐助期曰天子法斗諸侯應宿謂璇璣玉衡得其度也

春秋潛潭巴曰天子有三寶謂璇璣玉衡

春秋繁露曰德侔天地者稱皇帝天佐而子之號稱天子

孝經援神契曰王德珍文備象連表萬精曲飾題類設術

脩經躬仁尚義祖禮行信握權任智順道形人俱在至德

接上稱天子明以爵事天接下稱帝王明以號令臣下

論語摘襄聖承進曰帝不先義任道德王不先力尚仁義

霸不先正尚武力

論語撰考識曰考靈羌德知堯舜禹馳湯德有優劣故曰疾行轉

家語曰孔子觀乎明堂觀四門之墉有堯舜桀紂之象又

有周公相成王之圖孔子謂從者曰夫明鏡所以察形往

古所以知今

又曰季康子問於孔子曰舊聞五帝之名而不知其實請

問何謂孔子曰昔丘也聞諸老聃天有五行木金火水及

土分時化育以成萬物其神謂之五帝古之王者易代改

號取法五行五行更王終始相生亦象其義也故其生為

明王者而死配五行○白虎通曰帝王者號也號者功之

表也所以表功明德號令臣下德合天者稱帝仁義合者

稱王別優劣也○又曰皇君也美也大也天人之摠美大

漢書曰堯舜禹稷與之爲善則行驩兜欲與爲惡則誅可與爲善不可與爲惡是謂上智桀紂龍逢比干欲與爲善則誅子華崇侯與之爲惡則行不可與爲善可與爲惡是爲下愚

應劭漢官儀曰皇者大也言其煌煌盛美帝者德象天地言其能行天道舉措審諦父天母地爲天下主

漢雜事曰漢有天下號曰皇帝自稱朕人臣稱之曰陛下其命令曰制詔衣冠車馬器械百物曰乘輿所在曰行在所至曰幸所居曰某禁中所進曰御

天子至尊不敢褻瀆以天下爲家不以京師宮室爲常處則當乘輿以行天下猶謂之車駕今雖在京師京師言行在所巡狩天下所奏事輒皆爲官在長安則曰長安官在泰山則曰奉高宮唯當時所至

帝王世紀曰天子至尊之定名也應神受命爲天所子故謂之天子故孔子曰天子之德感天地洞八方是以功合

神者稱皇德合天地稱帝義合者稱王

韋曜洞紀曰自天地剖判君世宰人可得而言者唯庖犧畫卦神農作稼黃帝輿服最爲昭顯其餘非書記所述難可紀焉

六韜曰王者之道如龍之首高居而遠望深視而審聽神其形而散其精若天高而不可極若淵深而不可測故可怒而不怒臣乃爲虎不殺而不殺大賊乃發

又曰昔柏皇氏栗陸氏蠶連氏軒轅氏赫胥氏尊盧氏祝融氏此古之王者也未使民民化未賞民民勸此皆古之善爲政者也至於伏羲氏神農氏教民而不誅黃帝堯舜誅而不怒古之不變者有苗有之堯化而取之堯德衰舜化而受之舜德衰禹化而取之

太公伏符陰謀曰武王曰三皇之治母禮義而民利之何

也太公曰三皇之時近之則利去之則病所謂上聖神德而治其次教而化之近聖賞罰之

管子曰黃帝立明臺之議上觀於賢也堯有衢室之問下聽於人也舜有告善之旌而主不蔽也禹立建鼓於朝而備評讞也湯有總街之庭觀人誹也武王有靈臺之復賢者進也古聖明王所以有而勿失得而勿亡也

又曰明一者皇察道者帝通德者王謀得兵勝者霸

又曰桓公問曰三王者既殺其君矣今言仁義則必以三王為法度不識其故何也對曰昔者禹平治天下及桀而亂之湯放桀以定禹功也湯平治天下及紂而亂之武王伐紂以定湯功也善之伐不善自古至今未有改之君何疑焉

又曰言室滿室言堂滿堂是謂聖王

又曰昔者七十九代之君法制不一號令不同然俱王天下者何也必國富而粟多也夫富國多粟生於農故先王貴之

晏子曰古者有紵衣孳領而王天下者有處層巢窟穴而王天下者

老子曰聖人處無為之事行不言之教萬物作而不辭生而不有為而不恃功成而不居夫唯不居是以不去

又曰不尚賢使民不爭不貴難得之貨使民不為盜不見可欲使心不亂是以聖人之治虛其心實其腹弱其志强其骨常使民無知無欲使夫知者不敢為也無為則無不治也

又曰道大天大地大王者亦大域中有四大而王居其一又曰聖人無常心以百姓心為心善者吾善之不善者吾

亦善之得善矣信者吾信之不信者吾亦信之得信矣聖人在天下愉然為天下渾其心百姓皆注其耳目聖人皆孩之

又曰聖人之言云我無為而民自化我無事而民自富我好靜而民自正我無欲而民自樸

又曰聖人執左契而不責於人故有德司契無德司徹聖人之心與百姓心猶左右契耳契來則合故上下相親怨用不作後世不能執左契以應物而守常徹以軌民用此來知必有餘怨矣

又曰江海所以能為百谷王者以其善下之也是以聖人欲上人也必以其言下之欲先人也必以其身後之故處上弗害是以天下樂推而不厭也

董子曰為天子不可不承天意必順其道然後為安又曰古之造文字者三畫而連其中謂之王三畫者天地

人也連其中者通其道也

孟子曰人皆有不忍人之心言人人皆有不忍先王有不忍人之心斯有不忍人之政矣以不忍人之心行不忍人之政治天下可運之掌上也

又曰五霸者三王之罪人也趙臺卿章句曰五霸七國乘政以率諸侯也齊桓晉文秦穆宋襄楚莊是也三王夏禹商湯周文王也今之諸侯五霸之罪人也天子討而不伐諸侯伐而不討○孫卿子曰人君者降禮尊賢而

王重法愛人而霸好利多詐而危欲近四旁莫如中央故王者必居天下之中也

又曰粹而王駁而霸無一焉而亡又曰國者天下之利用也人主者天下之利勢也得道以持之則大安也大榮也積善之源也不得道以持之則大危也大累也義立而王信立而霸權謀立而亡行一不義

殺一無罪而得天下仁者不為也

莊子曰盜跖曰古之禽獸多而人民少於是人皆巢居以避之晝拾橡栗暮棲木上故命之曰有巢之民古者人不知衣服夏則多積薪冬則煬之故命之曰知生之人神農之代卧則居居起則于于知其母不知其父與麋鹿同處耕而食織而衣無有相害之心此至德之隆也

又曰夫帝王之德以天地為宗以道德為主以無為為常

無為也則用天下而有餘有為也則為天下用而不足

又曰天道運而無所積故萬物成帝道運而無所積故天下歸聖道運而無所積故海內服

此三者恣物之性而無所牽滯明於天道於聖六通四辟帝王之德者夫靈靜恬淡寂寞無為者

萬物之本以此處上帝王天子之德

又曰廣成子曰得吾道者上為皇而下為王

郭象曰皇王之稱隨世之

上下得其於得通變之道以應無窮一也失吾道者上見光而下為土

夫無窮自信於一變而不能均同上下矣故俯仰異心也

又曰赫胥氏之時民居不知所為行不知所之含哺而熙

鼓腹而遊民能止此矣

又曰昔容成氏大庭氏柏皇氏中央氏栗陸氏驪連氏軒

轅氏赫胥氏尊盧氏祝融氏伏犧氏神農氏當是時也民

結繩而用之

郭象曰足以紀要而已也甘其食美其服

適故常甘當故常美若思夫侈靡則無樂其俗安其居隣國相望雞狗之音相聞民至老

死而不相往來

無求之若此時則至治也已又曰古之王天下者知雖落天下不自慮也辨雖彫萬物

不自說也能雖窮海內不自為也天不產而萬物化地不

長而萬物育帝王無為而天下功故曰莫神於天莫富於

地莫大於帝王故曰帝王之德配天地此乘天地馳萬物

而用人君之道也

又曰至德之世不尚賢不使能民如野鹿端正而不知以爲義相愛而不知以爲仁實而不知以爲忠當而不知以爲信

又曰聖人之靜也非曰其靜者善故靜也萬物無足以撓心者故靜也郭象曰撓亂也夫虛靜恬淡寂寞無爲者天地之平而道德之至也故帝王聖人休焉

唐子曰君人者秉南面之尊操殺生之柄威如秋霜恩如春養何求而不得何化而不從君人者當以江海爲腹山林爲面當使觀者不知江海何藏山林何有

蘇子曰天子坐九重之內樹塞其門旒以翳明衡以隱聽鸞以抑馳

陸子曰三皇垂策而五帝繁手唐虞按轡禹湯馳轅雖使

周公神衡仲尼促節固不已也

孫綽子曰道一者帝德克者王依仁仗義者霸無爲而治者道也爲能不待者德也存三亡國仁也責貢不入義也慎子曰昔者天子手能衣而宰夫設服足能行而相者導進口能言而行人稱辭故無失言失禮也

又曰古者立天子貴之者非以利一人曰天下無一貴則理無由通通理爲天下也故立天子爲天下也非立天下爲天子也立國思以爲國也非立國以爲君也

力同武

又曰軍必有將所以壹之也高誘曰國必有君所以壹之也天下必有天子所以壹之也天子必執一所以博之也

又曰五帝固相與爭矣遞興遞廢勝者用事

又曰蚩尤作兵也利其械高誘曰蚩尤少昊氏之末九黎爭善用兵為無道非始造之也故非作兵者也未有蚩尤之時民固剝林木以戰矣勝者為長長率長猶不足以治之故立君君又不足以治之故立天子

又曰人固不能自知人主獨甚存亡安危勿求於外高誘曰言

皆在務在自知堯有欲諫之鼓欲諫者舜有誹謗之木書過失於湯有司過之士司主也武王有戒慎之鞶欲戒者

猶恐不能自知尚恐不能自知過也今賢非堯舜湯武而有捨蔽之道奚由自知哉

又曰五帝先道而後德故德莫盛焉三王先德而後事故功莫大焉五伯先事而後兵五伯昆吾大彭豳韋齊恒晉文是也故兵莫強焉

又曰凡為天下治國家必務本而後末所謂本者非耕稼種植之謂也務本莫貴於孝人主尊孝則名章榮下服聽天下譽人臣孝則事君忠處官廉臨難死士民孝則耕耘疾守戰固不罷北夫孝者三皇五帝之本務而萬事之紀也夫執一術而百善至百邪去天下從者其唯孝乎

又曰古先聖王之所以導其民者先務於農民農非徒為地利也貴其志也民農則樸樸則易用易用則邊境安主位尊民農則重重則少私義少私義則公法立力專一民農則其產厚其產厚則重徙重徙則死其處而無二慮

又曰昔先聖王之治天下也必先公公則天下平矣嘗試

觀於上志也古記有天下者衆矣其得之必以公其失之必以偏凡主之立也生於公故鴻範曰無偏無黨
 又曰昔舜欲稽古今不成既足以成帝矣禹欲帝而不成既足以成王矣湯欲繼禹而不成既足以服四荒矣武王欲及湯而不成既足以爲諸侯長矣
 董仲舒答問曰三皇三才也五帝五常也三王三明也五霸五嶽也

淮南子曰至德之世謂太古三皇之時其暝乎混淆之域而徙倚乎瀾漫之宇提挈天地委萬物以鴻濛爲景柱而淳揚乎無眛岸之際是故聖人呼吸陰陽之氣而群生莫不喁喁然仰其德和順止當此之時莫不領理決離隱愍而自成渾渾若若純樸未散滂薄爲一而萬物大優是故雖有明知無所用之

又曰古者至德之世賈便其肆農樂其業大夫安其職而處士循其道當此之時風雨不毀折草木不夭死九鼎重王者之德休明則鼎重珠玉潤澤洛出丹書河出綠圖故姦回淫亂則鼎輕也許由方回堯使方回求善卷披衣得達其道何則世主有欲利天下之心是以人得自樂其閒四子之材非能盡大蓋今之世也然莫能與之同光者遇唐虞之時也

又曰人主之居如日月之明也天下之所同側目而視傾耳而聽延頸舉踵而望也是故非淡漠無以明德非寧靜無以致遠非寬大無以兼覆非慈厚無以懷衆非平正無以制斷

又曰古者有整而總領以王天下者矣古者蓋三皇以前也言未知制冠也總領皮衣屈而紮之如今胡家韋囊反其其禮以爲領也一說整放髮也總繞頭而已皆無飾也其德生而不辱刑措不用而予而不奪予其財也不奪無天下不

非其服同懷其德也非猶讒也懷歸當此之時陰陽和平時節萬物蕃息無夭折鳥鵲之巢可俯而探也禽獸可羈而從也從猶率也豈必褻衣博帶句襟委貌章甫哉

又曰國之所以存者道德也道德施行民說家之所以亡其化故國存也者理塞也道堯無百戶之郭舜無植錐之地以有天下禹無十人之衆湯無七里之分以王諸侯文王處岐周之間地方不過百里而立為天子者有王道也

又曰聖人不貴尺之璧而重寸之陰時難得而易失也禹之趨時也履遺而弗納冠掛而不顧非爭其先也而爭其得時也是故聖人守清道而抱雌節清和靜也雌柔弱也因循應變常後而不先柔弱以靜舒安以定舒詳也攻大磨堅莫能與之爭喻難也

又曰帝者體太一王者法陰陽霸者則四時君者用六律

體太一者牢籠天地彈壓山川含吐陰陽申曳四時紀綱入極經緯六合覆露照導普汜而無私普大汎衆也無私愛憎言皆公也

翺飛蠕動莫不仰德而生法陰陽者承天地之和形萬殊之體含氣化物以成埤類也埤形也盈縮卷舒淪於不測盈長可測盡之源也終始虛滿轉於無源則四時者春生夏長秋收冬藏取與有節出入有時開闔張翕不失其序喜怒剛柔不離其理用六律者生之與殺賞之與罰與之與奪非此無道也明四時六律之君非用此上事其餘無他道也

又曰古之立帝王者非以養其欲也聖人之踐位者非以供樂其身也為天下強掩弱衆暴寡詐欺愚勇侵怯懷知而不相教積財而不以相分故立天子以齊一之

又曰五帝三王之法籍風俗一世之跡也譬若土龍芻狗之始成文以青黃飾以綺繡纏以朱絲及其已用則壤土

草芥而已誰貴之哉

又曰神農無制令而人從唐虞有制令而無刑罰夏后氏

不負言殷人誓周人盟

又曰聖人在上位者賞罰不施而天下賓服日計之不足

而歲計之有餘譬若百梅足為百人酸

又曰使堯度舜則可使桀度堯是猶以升量石也

又曰同氣者帝同義者王同力者霸無一焉者亡於三者無一則

俱滅亡又曰太古二皇許慎曰庖犧神農得道之柄立於中央德覆天地

而和陰陽節四時調五行虹蜺不出賊星不行五旱逆行謂之賊星也

又曰人主者以天下之目視以天下之耳聽以天下之智

慮以天下之力動是故號令能下究而臣情得上聞百官

脩通群臣輻湊喜不以賞賜怒不以罪誅是故威立而不

廢聰明光而不蔽法令察而不苛耳目達而不聞善不之

情陳於前而無所逆

楊子法言曰五常者帝王之筆舌寧有書不由筆言不由

舌哉

桓譚新論曰儒者或曰圖王不成其弊可以霸此言未是

也。傳曰孔氏門人五尺童子不言五伯事者惡其違仁

義而尚權詐也

又曰夫上古稱三皇五帝而次有三王五伯此皆天下君

之冠首也故言三皇以道治而五帝用德化三王由仁義

五伯以權智其說之曰無制令刑罰謂之皇有制令而無

刑罰謂之帝賞善誅惡諸侯朝事謂之士與兵約盟以信

義矯世謂之伯也

論衡曰古之帝王建鴻德者須鴻筆之臣褒頌紀德也
 潛夫論曰天作道皇作極臣作輔人作基
 又曰王之政普覆兼愛吉凶禍福與人共之
 應劭風俗通曰春秋運斗樞曰皇者天天不言四時行焉
 百物生焉垂拱無為謹言而民不違道德玄泊有似皇天
 故稱曰皇皇者中也光也含元履中開陰布綱上台皇極
 其施光明指天畫地神化潛通煌煌盛美不可勝量
 又曰大傳說遂人為遂皇伏戲為戲皇神農為農皇也遂
 人以火紀火陽也陽尊故託遂皇於天伏戲以人事紀故
 託戲皇以人蓋天非人不因人非天不成也神農悉地力
 植穀故託農皇於地天地人之道備而三五之運興矣
 又曰五帝易傳禮記春秋國語太史公記黃帝顓頊帝嚳
 帝堯帝舜是五帝也謹案易尚書大傳天立五帝以為相

四時施生法度明察春夏慶賞秋冬刑罰帝者任德設刑
 以則像之言其能行大道舉措審諦也黃帝者光也厚也
 中和之色德施四季與地同功故先王以別之也顓者專
 也頊者信也慤也言其承文易之以質使天下遵化皆貴
 貞慤也嚳者考也成也言其考明法度醇美嚳然若酒之
 芬香也堯者高也饒也言其隆興煥炳最高明也舜者准
 也循也言其准行道德以循堯緒也
 又曰禮號謚記說夏禹躬湯周武王是三王也禹者輔也
 輔續舜後庶績洪茂自堯以上王者子孫據國而起功德
 浸盛故造美謚舜禹本以白衣砥行顯名升為天子雖復
 制謚不如名著故因名焉湯者攘也言其攘除不軌改毫
 為商成就王道天下熾昌文武皆以其長夫擅國之謂王
 能制殺生之威之謂王王者往也天下所歸往也

又曰易稱天先春而後秋地先生而後凋日月先光而後
幽是以王者則之亦先教而後刑三皇結繩五帝畫像三
王肉刑霸世黜巧此言步驟稍有優劣也傳子曰庖犧神農順民之性育之者也黃帝除民之害救
之者也舜治天下垂拱無爲者以咎繇既舉而不仁遠也
禹治洪水冠挂不顧者不以下憂累其上也湯去三面之
網歸之者四十國文王葬城隅之枯骨天下懷其仁所惠
者小所感者大仁心先之也
又曰不使不仁加乎天下用武勝殘而百姓以濟此仁形
於撥亂黃帝是也時有萬物必世而後仁此著於治平堯
舜是也
周生烈子曰居堯舜之位而不行唐虞之政者猶反衣狐
白步牽騾耳

黃石公三略曰夫三皇無言化流四海故天下無所歸功
帝者體天則地有言有令而天下太平君臣讓功四海化
行王者制人以道德降心服志設矩備衰有察察之政甲
兵之事備而無事戰血刃之用天下太平君無疑於臣臣
無疑於主國定主安臣以義退亦能美而無害
又曰任德者縱任義者橫縱成者王橫成者霸王兵法天
霸王法地天者德不可量地者威不可圖不量不圖者萬
物之父母也
表子正論曰堯舜之人比屋可封非盡善也猶在防之水
非不流也桀紂之人比屋可誅非盡惡也猶在壑之水非
不停也。班彪王命論曰帝王之作必有明聖顯懿之德
豐功厚利積累之業然後精誠通于神明流澤加於生民
故能爲鬼神所福饗天下所歸往未見運世無本功德不

紀而能偏起在斯位者也
 傅彥林王令敘曰帝王之起必有天下瑞應自然之符明
 統顯祚豐懿之業加以茂德成功賢智之助而後君世臨
 臣為神所保佑永世所尊崇未見遲敘無紀次勳澤不加
 於民而可力爭覬覦神器者也
 阮籍通考論曰三皇依道五帝仗德三皇施仁五霸行義
 強國任智蓋優劣之異薄厚之降也
 韓子曰明主制其臣下者二柄而已矣二柄者刑德也殺
 戮之謂刑慶賞之謂德也
 崔寔政論曰自堯舜之帝湯武之王皆賴明哲之佐博物
 之臣故臯陶陳謨而唐虞以興伊箕作訓殷周以隆及繼
 體之君欲立中興之功者曷嘗不賴賢哲之謀乎
 鄧子曰堯置欲諫之鼓舜立誹謗之木湯有司直之人武

有戒慎之銘此四君者聖人也而由此之勤至於粟陸殺
 東里子宿沙君戮箕文桀誅龍逢紂剝比干此四君者亂
 君故其疾賢若仇是以賢愚之相較若百丈之谿與萬仞
 之山若九地之下與重天之顛二曰無邪三曰民賢四曰
 墨子曰古者民生未有刑政之時選擇天下之賢可者立
 以為天子曰商曰成曰文曰武曰平曰夏曰商曰周曰水
 又曰凡國之萬民皆尚同乎天子而不敢下比天子之所
 是必亦是之天子之所非必亦非之夫而不善言學天子
 之善言去而不善行學天子之善行天子者固天下之仁
 人也舉天下萬民以法天子夫天下何說而不治哉
 又曰古者聖王制為衣服之法曰冬服絁緇之衣輕且煖
 夏服絺綌之服輕且清則止諸加費不加於民利者聖王
 弗為

又曰天子者天下之窮貴也天下之窮富故欲富且貴者
當天意而不可不順順天意者兼相愛交相利必得賞反
天意者別相惡交相賊必得罰。尸子曰人之欲見毛膚
西施美其面也夫黃帝堯舜湯武美者非其面也人之欲
觀焉其行也所欲聞其焉言也而言之與行皆在詩書矣
又曰夫堯舜所起至治也陽武所起至亂也問其成功孰
治則堯舜治問其孰難則湯武難。又曰孔子曰商汝知君之為君乎子夏曰魚失水則死水
失魚猶為水也孔子曰商知之矣。又曰治天下有四術一曰忠愛二曰無私三曰用賢四曰
度量通財足用用賢則多功無私百知之宗也忠愛君父
之行也。又曰堯舜黑禹脛不生毛文王至日仄不暇飲食故富有

天下貴為天子矣

太平御覽卷第七十七

春秋緯曰天皇地皇人皇兄弟九人分爲九州長天下也
河圖括地象曰天皇九翼題名旋復
帝系譜曰天地初起即生天皇治萬八千歲以木德王
遁甲開山圖曰天皇被跡在桂州崑崙山下榮氏注曰天
人身貌相類不可分別
治在桂州崑崙山也

項峻始學篇曰地皇十二頭治萬八千歲
洞紀曰地皇十二頭

帝系譜曰地皇治一萬八千歲以火德王
三五曆紀曰有神聖人十二頭號地皇

遁甲開山圖曰地皇與於熊耳龍門山榮氏注曰地皇兄
女子貌皆相類蛇身
獸足生於龍門山中

太平御覽卷之九

春秋命曆序曰人皇氏九頭駕六羽乘雲車出谷口分九

州宋均注曰九頭兄弟九人

項峻始學篇曰人皇九頭兄弟各三分人各百歲依山川
土地之勢財度爲九州各居其一乃因是而區別

遁甲開山圖曰人皇起於形馬榮氏注曰人皇兄弟九人
生於形馬山身有九也

三五曆紀曰有神聖人九頭號人皇馬摠云一百六十五
代合四萬五千六
年天皇地皇人皇爲太古

禮曰昔先王未有宮室冬則居營窟夏則居橧巢鄭玄注
居土暑則聚薪
柴居其上也

項峻始學篇曰上古皆穴處有聖人教之巢居號大巢氏
今南方人巢居北方人穴處古之遺俗也巢在女媧之後
韓子曰上古之世人民少而禽獸多人不勝禽獸蛇虺有

聖人作構木為巢以避群害而人悅之使王天下號之曰有巢氏
遁甲開山圖曰石樓山在琅邪昔有巢氏治此山南王天
有餘代未詳年代也

燧人氏

無文籍未有甲歷紀年歲

易通卦驗曰燧皇始出握機矩表計算圖其刻曰蒼渠通
靈鄭玄注曰矩法也燧皇世謂燧人在伏羲前作其圖緯
靈之計算則無書刻石而謂之耳刻曰蒼渠渠肩之人能
通神靈之意也

尚書大傳曰燧人為燧皇燧人以火紀火陽也陽尊故託
燧皇於天

禮含文嘉曰燧人始鑽木取火炮生為熟令人無腹疾有
異於禽獸遂天之意故為燧人

古史考曰古之初人吮露精食草木實穴居野處山居則

食鳥獸衣其羽皮飲血茹毛近水則食魚鼈螺蛤未有火
化腥臊多害腸胃於是聖人以火德王造作鑽燧出火
教人熟食鑄金作刃民人大悅號曰燧人

禮曰昔者先王未有火化

食腥也

食草木之實鳥獸之肉飲

其血茹其毛

此上古之時也

後聖人有作

起

然後脩火之利範金

鑄作合土

瓦瓴甃及大

以炮以燔以烹以炙以為醴酪

王子年拾遺錄曰遂明國有大樹名遂屈盤萬頃後世有
聖人遊日月之外至於其國息此樹下有鳥啄樹粲然火
出聖人感焉因用小枝鑽火號燧人氏

太昊庖犧氏

皇王世紀曰太昊帝庖犧氏風姓也虵身人首有聖德都
陳作瑟三十六絃燧人氏沒庖犧氏代之繼天而生首德
於木為百王先帝出於震未有所因故位在東方主春象

日之明是稱太昊制嫁娶之禮取犧牲以充庖廚故號曰庖犧皇後世音謬故或謂之密犧一解云慮古伏字後誤以慮為密故號曰密犧

一號雄皇氏在位一百一十年

易下繫曰古者庖犧氏之王天下仰則觀象於天俯則觀法於地中觀鳥獸之文與天地之宜近取諸身遠取諸物

於是始作八卦以通神明之德以類萬物之情又曰結繩而為網罟以畋以漁蓋取諸離

河圖曰伏犧禪於伯牛鑽木作火

易坤靈圖曰宓犧時立九部民易理

易通卦驗曰慮犧方牙蒼精作易無書以畫事鄭玄曰宓犧時質樸

作易以為政令而不書但以畫其事之形象而已

詩含神霧曰大跡出雷澤華胥履之生慮犧宋均註曰雷澤地名華胥

母伏犧

禮含文嘉曰伏者別也犧者獻也法也伏犧德洽上下天

應之以鳥獸文章地應之龜書伏犧乃則象作易卦

傳曰鄰子曰太皞氏以龍紀故為龍師而龍名杜預注曰太皞伏犧

氏風姓祖也有龍瑞故以龍命名

春秋內事曰伏犧氏以木德王天下之人未有室宅未有

水火之和於是乃仰觀天文俯察地理始畫八卦定天地

之位分陰陽之數推列三光建分入節以文應氣凡二十

四消息禍福以制吉凶

又曰天地開闢五緯各在其方至伏犧乃合故以為元

孝經援神契曰伏犧氏日角衡連珠宋均曰伏犧木精人

日所出房所立有星也衡中有骨表而連珠象玉衡有星也

又曰鈎命決曰草胥履跡恠生皇犧跡靈威仰之跡也履

遁甲開山圖曰仇夷山四絕孤立太昊之治伏犧生處

帝系譜曰伏羲人頭蛇身以十月四日人定時生
崔寔政論曰太昊之世設九庖之官○魏陳王曹植庖犧
贊曰木德風姓八卦剝焉龍瑞名官法地象天庖犧廚祭
祀罟網漁畋瑟以像時神德通玄

又曰天氏開女媧氏

帝王世紀曰女媧氏亦風姓也承庖犧制度亦蛇身人首
一號女希是為女皇未有諸侯有共工氏任智刑以強伯
而不王以水承木非行次故易不載
歸藏曰昔女媧筮張雲幕枚占之曰吉昭昭九州日月代
極平均土地和合四國

山海經曰女媧之腸化為神處粟廣之野

郭璞注曰女媧古神女而帝者

人面蛇身一月中七十變其

禮曰女媧之笙簧也世本日女媧作笙簧也

淮南子曰往古之時四極廢九州裂天不兼覆地不周載

火濫焱而不滅水浩漾而不息猛獸食精民

高誘注曰鶯精善也

鳥攬老弱於是女媧鍊五色石以補蒼天

伏犧陰事也斷

鼈足以立四極殺黑龍以濟冀州

黑龍水精也故力牧太

猶乾也冀州九州積蘆灰以止淫水

蘆葦也葦生於水故

中謂合四海之內枕方寢繩

繩方矩四寸也寢繩直身而臥也

風俗通曰俗說天地開闢未有人民女媧搏黃土作人劇
務力不暇供乃引繩於泥中舉以為人故富貴者黃土人
也貧賤凡庸者繩人也

述甲開山圖曰女媧氏沒大庭氏王有天下五鳳異色次
有柏皇氏中央氏栗陸氏驪連氏赫胥氏尊盧氏祝融氏
混沌氏昊英氏有巢氏葛天氏陰康氏朱襄氏無懷氏凡

十五代皆襲庖犧之號自無懷氏已上經史不載莫知都
 之所在共工氏水德居木火之間而霸王女媧是三皇
 一或稱女媧或稱祝融或稱共工未知孰是自古
 媧至無懷十五代合一萬七千七百八十七歲
 魏陳王曹植女媧贊曰古之國君製造笙簧禮物未就軒
 轅纂成或云二君人首蛇形神化七十何德之靈

炎帝神農氏

帝王世紀曰神農氏姜姓也母曰任姒有喬氏之女名女
 登為少典妃遊於華陽有神龍首感女登於常羊生炎帝
 人身牛首長於姜水有聖德以火承木位在南方主夏故
 謂之炎帝都於陳作五絃之琴凡八世帝承帝臨帝明帝
 直帝來帝哀帝榆罔又曰本起烈山或時稱之一號魁隗
 氏是為農皇或曰炎帝時諸侯夙沙氏叛不用命炎帝退
 而修德夙沙之民自攻其君而歸炎帝營都于魯重八卦

之數究八八之體為六十四卦在位百二十年而崩葬長
 沙

易下繫曰神農氏作斲木為耜揉木為耒耒耜之利以教
 天下蓋取諸益

禮含文嘉曰神者信也農者濃也始作耒耜教民耕種其
 德濃厚若神故為神農也

古史考曰炎帝有火應故置官師皆以火為名

傳曰郊子曰炎帝以火紀故為火師而火名杜預注曰神
 農姜姓之祖

也有火端以水
 紀事各官也

春秋命曆序曰有神人名石耳倉色大眉戴玉理日月清
 明有次

玉理猶玉英玉勝也 駕六龍出地輔號皇神農始立地

形甄度四海東西九十萬里南北八十一萬里所為如此
 其教如神

農殖樹木使民粒食故天下號曰皇神
 農也甄紀地形遠近山川林澤所至

孝經鉤命決曰任已感龍生帝任已帝魁之母也魁神農名已或作似也

典略曰武王滅紂封神農之後於譙

文子曰赤帝為火災故黃帝禽之

越絕書曰神農不貪天下而天下共富之

於人而天下共尊之

莊子曰芻荷甘與神農同學於老龍吉神農隱机闔戶晝

瞑芻荷甘日中斲戶而入曰老龍死矣神農隱几擁杖而

起暴然放杖而笑曰天知予僻陋慢誕故弃予也而死已

悟死不足驚故還放杖笑

尸子曰神農氏夫負妻戴以治天子堯曰朕之比神農猶

且之與昏也

又曰神農氏七十世有天下豈每世賢哉牧民易也

淮南子曰古者民茹草飲水採樹木之實食羸蚌之肉時

多疠病毒傷之害於是神農乃始教民播種五穀相土地之宜燥濕肥瘠高下嘗百草之滋味泉之甘苦令民知所避就當此之時一日而遇七十毒

又曰神農之治天下也神不馳於胷中知不出於四域懷

其仁誠之心甘雨以時五穀蕃殖春生夏長秋收冬藏月

省時考終歲獻貢以時嘗穀祀于明堂明堂之制有蓋而

無四方風雨不能襲燥濕不能傷養民以公其民樸重端

慤不忿爭而財足不勞形而成功因天地之貢資而與之

和同是故威厲而不試刑措而不用法省而不煩教

神其地南至交阯北至幽都東至陽谷西至三危莫不聽

從當此之時法寬刑緩囹圄空虛而天下壹俗莫懷姦心

又曰神農皇帝襲九空重九望九空九天也九望九地也神農本草曰

神農稽首再拜問於太一小子曰曾聞古之時壽過百歲

无殂落之咎獨何氣使然耶太一小子曰天有九門中道
最良神農乃從其嘗藥以拯救人命天也本草木
周書曰神農之時天雨粟神農耕而種之作陶冶斤斧爲
耒耜鉏耨以墾草莽然後五穀興谷也至三或莫不
呂氏春秋曰神農教曰土有當年不耕者則天下或受其
亂矣女有當年不績者則天下或受其寒矣故夫親耕妻
親績○賈誼書曰神農以爲走禽難以久養民乃求可食
之物嘗百草實察鹹苦之味教民食穀也
陸景典略曰神農嘗百草嘗五穀蒸民乃粒食也
荊州圖記曰永陽縣西北二百三十里厲鄉山東有石穴
昔神農生於厲鄉禮所謂烈山氏也後春秋時爲厲國穴
高三十丈長二百丈謂之神農穴也
太平御覽卷第七十八

太平御覽卷第七十九又項則寶良大雷長壽北平縣
天皇王部四案齊魯凡古文世與之典天穀姑西燕兼
帝正世黃帝軒轅氏顯天心少昊金天氏也母曰嫫母其
四其顓頊高陽氏也
史記曰黃帝者少典之子姓公孫名軒轅諸侯有不順者
從而征之未嘗寧居東至于海登丸山及岱宗西至崆峒
登雞頭山南至江登熊湘北極葷粥合符釜山而邑于涿
鹿之阿遷徙無常處以師兵爲營衛官名皆以雲置左右
大監監于萬國獲寶鼎舉風后力牧常先大鴻以治民有
土德之瑞故號曰黃帝有二十五子其得姓者十四人黃
帝居軒轅之丘而娶於西陵氏之女是爲嫫晉祖爲正妃
生二子其後皆有天下其一曰玄囂是爲青陽降居江水

其二曰昌意降居弱水昌意娶蜀山氏女曰昌僕生高陽高陽有聖德焉黃帝崩葬橋山其孫昌意之子高陽立是為帝顓頊

又封禪書曰黃帝採首山銅鑄鼎於荆山下鼎既成有龍垂胡鬃下迎黃帝黃帝止騎群臣後宮從上者七十餘人餘小臣不得上乃悉持龍鬃龍鬃拔墮墮帝之弓百姓仰望帝既上乃抱其弓與龍鬃而號故後世因名其處曰鼎湖其弓曰烏號○又曰漢武帝北逐巡狩還祭黃帝冢上曰吾聞黃帝不死今有冢何也或對曰黃帝已僊上天群臣葬其衣冠耳

帝王世紀曰黃帝有熊氏少典之子姬姓也母曰附寶其先即炎帝母家有嶠氏之女世與少典氏婚故國語兼稱焉及神農氏之末少典氏又取附寶見大電光繞北斗樞

星照郊野感附寶孕二十五月生黃帝於壽丘長于姬水龍顏有聖德受國於有熊居軒轅之丘故因以為名又以為號與神農氏戰于阪泉之野三戰而克之力牧常先大鴻神農皇直封鉅大鎮大山稽鬼史區封胡孔甲等或以為師或以為將分掌四方各如已視故號曰黃帝四目又使歧伯嘗味百草典醫療疾今經方本草之書咸出焉其史倉頡又取像鳥跡始作文字史官之作蓋自此始記其言行策而藏之名曰書契黃帝一號帝鴻氏或曰歸藏氏或曰帝軒吹律定姓有四妃生二十五子在位百年而崩年百一十歲

又曰神農氏衰黃帝修德化民諸侯歸之黃帝於是乃擾馴猛獸與神農氏戰于阪泉之野三戰而克之又徵諸侯使力牧神農直討蚩尤氏擒之于涿鹿之野使應龍殺之

于凶黎之丘凡五十五戰而天下大服或傳以至仙或言
 壽三百歲葬于上郡陽周之喬山
 鬻子曰黃帝年十歲知神農之非而改其政
 春秋內事曰軒轅氏以土德王天下始有堂室高棟深宇
 以避風雨
 孝經鉤命決曰附寶出降大靈生帝軒附寶帝軒母也電黃精軒轅氣也軒黃帝名附或作付也
 古史考曰有熊氏已姓或曰姓公孫
 山海經曰有人衣青名曰黃帝女媧青媧旱蚩尤作兵伐
 黃帝黃帝乃令應龍攻之冀州之野冀州中土應龍蓄水蚩尤
 請風伯雨師從大風雨黃帝乃下天女曰媧雨止遂殺蚩
 尤
 歸藏曰昔黃神與炎神爭鬪涿鹿之野將戰筮於巫咸曰

果哉而有咎

易下繫曰黃帝垂衣裳而天下治蓋取諸乾坤
 河圖握拒曰黃帝名軒北斗黃神之精母地祇之女附寶
 之郊野大電繞斗樞星耀感附寶生軒胷文曰黃帝子
 河圖挺佐輔曰黃帝修德立義天下大治乃召天老而問
 焉余夢見兩龍挺白圖即帝以授余於河之都覺昧素喜
 不知其理敢問於子天老曰河出龍圖雒出龜書紀帝錄
 州聖人所紀姓號興謀治平然後鳳皇處之今鳳皇以下
 三百六十日矣古之圖紀天其授帝圖乎黃帝乃被齋七
 日衣冠黃冕駕黃龍之乘載交龍之旗天老五聖皆從以
 遊河洛之閭求所夢見者之處弗得至於尋媯之淵大盧
 魚泝流而至乃問天老曰子見夫中河流者乎曰見之顧
 問五聖皆曰莫見乃辭左右獨與天老跪而迎之五色畢

具天老以授黃帝帝舒視之名曰錄圖
龍魚河圖曰黃龍負圖鱗甲成字從河中出付黃帝令侍
臣白寫以示天下
又曰黃帝攝政前有蚩尤兄弟八十一人並獸身人語銅
頭鐵額食沙石子造立兵仗刀戟大弩威振天下誅殺無
道不仁不慈萬民欲令黃帝行天子事黃帝仁義不能禁
止蚩尤遂不敵乃仰天而歎天遣玄女下授黃帝兵信神
符制伏蚩尤以制八方蚩尤沒後天下復擾亂不寧黃帝
遂畫蚩尤形像以威天下天下咸謂蚩尤不死八方萬邦
皆為殄伏○尙書中候曰帝軒轅提像配永循機軒轅黃
也循順也黃帝軒轅觀攝提之象天地休通五行期化美
配而行之以長為順斗機為政應四時之期而變化龍衛圖洛龜書威龜負書
也天地美氣相通行河龍圖出而出也則赤文像字以授軒轅

韓詩外傳曰黃帝召天老而問鳳像何如天老曰夫鳳像
鴻前而麟後蛇頸而魚尾龍文而鷄身鸞領而雞喙黃帝
乃齋于中宮鳳蔽日而至黃帝降于東階西面再拜稽首
皇天降祉敢不承命鳳乃止帝東園
詩含神霧曰大電繞樞炤郊野感附寶生黃帝
大戴禮曰宰我問於孔子曰昔者予聞諸榮君黃帝二百
年請問黃帝者人也抑非人耶何以至於三百年孔子曰
黃帝少典之子也曰軒轅生而神靈弱而能言教熊羆貔
貅豹虎以與赤帝大戰于阪泉之野三戰然後得行其志
黃帝斧拂衣大帶斧裳乘龍駕雲勞勲心力耳目節用水
火財物生而民得其利百年死而民得其神百年亡而民
得其教百年故曰三百年
傳曰黃帝以雲紀故為雲師而雲名

春秋元命苞曰黃帝龍顏得天庭陽上法中宿取象文昌
戴天履陰秉數制剛
顏有龍像似軒轅也庭陽大微庭也
制剛紀也紀
戴天天文在首履陰陰字在足下也
正四輔也
 管子曰黃帝得蚩尤而明乎天道得太常而察乎地利得
 蒼龍而辨乎東方得祝融而辨乎南方得大封而辯乎西
 方得后土而辨乎北方黃帝得六相天下治
 又曰黃帝鑽燧生火以熟葷臊民食之無腸胃之病
 列子曰黃帝即位十有五年竭聰明進智力營百姓焦然
 肌色疿古厚黷音昏然五情爽惑用聰明未足以致黃帝
 乃喟然歎曰朕之過淫矣淫當養一己其患如此治萬物
 其患如此能任而不養縱而不治於是放萬機舍宮寤去
 直侍撤鐘懸減廚膳退而閑居大庭之館齋心服形心無
形自三月不親政事晝寢而夢將明至理不可以情求故
寄之於夢聖人無夢也

遊於華胥氏國華胥氏國在兗州之西合州之北不必便
也明至理必如此耳淮南子不知斯齊國幾千萬里斯齊
云正西曰兗州西北曰合州也蓋非舟車足力之所及神遊而已舟車足力形之負者
也至其國無師長其無嗜慾不知樂生不知惡死故無夭傷
 不知親己不知疎物故無憎愛不知背逆不知向順故無
 利害無所親疎理無逆順故無所利害也都無所愛憎都
 無所畏忌入水不溺入火不熱斫撻無傷痛至和者無物
能傷溺熱痛
穰實也乘空如履實寢虛若處牀雲霧不闕其視雷霆不
 亂其聽美惡不汨其心山谷不躡其步神行而已黃帝既
 悟然自得又二十有八年天下大治幾若華胥氏之國而
 帝登假假當
 莊子曰北門成問於黃帝張咸池之樂於洞庭之野吾所
 聞之而懼復聞之而惑帝曰吾奏之以人勸之以天行之

以義禮建之以太清以人奏之以天徵之天人合德爾乃
又曰黃帝將見大隗于具茨之山方明為御昌寓驂乘張
若隰明前馬昆閭滑稽後車至於襄城之野七聖皆迷無
所問途適遇牧馬童子問途焉曰若知具茨之山乎曰然
黃帝曰異哉小童非徒知具茨之山又知大隗之所存乎
曰然黃帝曰吾子之事雖然請問為天下小童辭黃帝又
問小童曰天下者亦奚以異乎牧馬者哉亦去其害馬者
而已矣馬以過黃帝再拜稽首稱天師而退
又曰黃帝聞廣成子在於崆峒之上故往見之曰敢問至
道之精廣成子曰自而治天下雲氣不待族而雨草木不
待黃而落日月之光益以荒矣又奚足以語至道黃帝退
捐天下築特室席白茅閒居三月復往邀之廣成子南首
而卧黃帝從下風膝行而進再拜稽首而問曰聞吾子達

於至道敢問治身奈何而可而以長久廣成子蹙然而起
曰善哉問乎來吾語汝至道之精窈冥冥至道之極昏默
默無視無聽抱神以靜形將自正我修身千二百歲矣吾
形未嘗衰黃帝再拜稽首曰廣成子之謂天矣
尸子曰子貢曰古者黃帝四面信乎孔子曰黃帝取合已
者四人使治四方不計而耦不約而成此之謂四面
韓子曰師曠謂晉平公曰黃帝合鬼神於西太山之上駕
象車六交龍畢方並鑿蚩尤居前風伯進掃雨師洒道乃
作為清角之樂

淮南子曰黃帝治天下而力牧太山稽輔之力牧太山稽
師也孟子曰王者師臣也以理日月星辰之行治陰陽之氣節四時之
度正律曆之數明上下等貴賤使強不得掩弱眾不得暴
寡人民保命不夭安能性命不夭遊也歲時熟而不凶不凶無百官

正而無私公也上下謂調而無尤君調臣和無尤過也法令明而不闇輔佐公而不阿鄉土公正不阿意曲從田者不侵畔漁者不爭隈隈曲深處道不拾遺市不豫價城郭不關關邑無盜賊商無所聚也旅之人相讓以財狗彘吐菽粟於道路而無忿爭之心於是日月精明星辰不失其道風雨時節五穀登熟虎豹不妄噬鷲鳥不妄搏鳳凰翔於庭麒麟擾於郊青龍庭駕飛黃伏皂飛黃出西方其狀如狐頂上諸北僂耳之國莫不獻其貢職北極夷

論衡曰謚法靜民則法曰皇德象天地曰帝黃帝者安民之謚非得道之稱也

蔣子萬機論曰黃帝之初養性愛民不好戰伐而四帝各以方色稱號交共謀之邊城日驚介冑不釋黃帝歎曰夫君危于上民安于下主失於國其臣再嫁厥病之由非養

寇耶今處民萌之上而四盜亢衡遞震于師於是遂即營壘以滅四帝向令黃帝若不龍驤虎變而與俗同道則其民臣亦嫁于四帝矣

抱朴子曰黃帝生而能言役使百靈可謂天授自然之體者猶復不敢端坐而得道故陟玉屋而受丹經到鼎湖而飛流珠登崆峒而問廣成上具茨而事大隗適東岱而奉中黃入金谷而諮老子論道養則質玄素二女精推步則訪山稽力牧講占候則詢風后著體診則受雷歧審攻戰則納五音之策窮神姦則記白澤之亂相地理則書青鳥之說救傷殘則綴金冶之術故能畢記秘要窮盡道真又曰昔黃帝東到青丘過風山見紫府先受三皇內文以勅召萬神南到負隴蔭建木觀百靈之所登採若乾之華飲丹鬻之水西見中黃子受九品之方過崆峒從廣成子

受自然之經北到洪隄上具茨見大隗君黃蓋童子授神
 芝圖還陟王居得神丹注說到峨嵋山見皇人於玉堂
 又曰汲郡塚中竹書言黃帝既仙去其臣有左徹者削木
 為黃帝之像帥諸侯朝奉之故司空張茂先撰博物志亦
 云黃帝仙去其臣思戀罔極或刻木立像而朝之或取其
 衣冠而葬之或立廟而四時祠之
 孫綽子曰黃帝之遊天衢奏鈞天之鼓建日月旗乘瑤雲
 之輿駕八翼之龍彭祖前驅松喬俠轂光景流而不逮長
 風逐而不及發軔紫宮不崇朝而匝六合也
 符子曰黃帝將適昆虞之丘中路逢容成子乘翠華之蓋
 建日月之旗驂紫虬御雙鳥黃帝命方明避路謂容成子
 曰吾將鈞于一壑栖于一丘
 又曰黃帝謂其友無為子曰我勞天下矣疲於形役請息

駕於玄圃子且代之無為子曰焉能弃我之逸而為君之
 勞哉乃攀龍而俱去
 晉牽秀黃帝頌曰邈矣軒轅應天載靈通幽遠覽觀象設
 形誕敷厥訓彛倫攸經德從風流化與雲征皇猷允塞地
 平天成爰登方岳封禪勒成紛然鳳舉龍騰太清違落九
 土陟彼高冥民斯攸慕涕泗沾纓遐而不墜式頌德聲
 有巢氏已降至黃帝為三皇號中古

少昊金天氏

帝王世紀曰少昊帝名摯字青陽姬姓也母曰女節黃帝
 時有大星如虹下流華渚女節夢接意感生少昊是為玄
 囂降居江水有聖德邑于窮桑以登帝位都曲阜故或謂
 之窮桑帝以金承土帝國讖所謂白帝朱宣者也故稱少
 昊號金天氏在位百年而崩

河圖曰大星如虹下流華渚女節氣感生白帝朱宣宋均注云

古史考曰窮桑氏嬴姓也以金德王故號金天氏或曰宗

師太昊之道故曰少昊吳氏也

遁甲開山圖曰帝少昊死葬雲陽山

傳曰魯昭公十七年鄰子來朝昭子問焉曰少皞氏鳥名

官何故也鄰子曰吾祖也我高祖少皞摯之立也鳳鳥適

至故紀於鳥為鳥師而鳥名鳳鳥氏歷正也玄鳥氏司分

者也伯趙氏司至者也青鳥氏司啓者也丹鳥氏司閉者

也祝鳩氏司徒也睢鳩氏司馬也鳩鳩氏司空也爽鳩氏

司寇也鶡鳩氏司事也五鳩鳩民者也五雉為五工正利

器用正度量夷民者也九扈為九農正扈民無淫者也

魏曹植少昊贊曰祖自軒轅青陽之裔金德承土儀鳳帝

世官鳥號名殊職別系農止扈民各有品制

史記曰顓頊靜淵以有謀疏通而知事養材以任地載時

以像天依鬼神以制義治氣以教化絜誠以祭祀生子曰

窮禪顓頊崩而玄囂之孫高辛立是為帝倍與譽

古史考曰高陽氏姁姓以水德王

帝王世紀曰帝顓頊高陽氏黃帝之孫昌意之子姬姓也

母曰景僕蜀山氏女為昌意正妃謂之女樞金天氏之末

女樞生顓頊於若水首戴干戈有聖德父昌意雖黃帝之

嫡以劣降居若水為諸侯顓頊生十年而佐少昊十二年

祭上帝納勝墳氏女媧音生老童有才子八人號八凱顓
 頊在位七十八年年九十一歲歲在鶉火而崩葬東郡頓
 丘廣陽里而登帝於平水水事命黃帝重
 河圖曰瑤光之星如蜺貫月正白感女樞幽房之宮生黑
 帝顓頊顓頊黃帝之
 大戴禮曰宰我曰請問帝顓頊孔子曰顓頊黃帝之孫昌
 意之子乘龍而至四海北至幽陵南至交趾西濟於流沙
 東至於蟠木動靜之物大小之神日月所照莫不砥礪分
 春秋元命苞曰顓頊併幹上法月參集威成紀以理陰陽
 併音重也水滂上月參伐主軒刈
 成功兼此月職重助費以為表也外案
 山海經曰黃帝妻嫫祖生昌意降魃若水生幹流取倬子
 曰河女生帝顓頊
 又曰顓頊死即復蘇

淮南子曰顓頊之法婦人不避男子於路者被之於四達
 之衢被音拂除其不祥
 魏曹植帝顓頊贊曰昌意之子祖自軒轅始誅九黎水德
 統天以國為號風化神宣威暢八極靡不祗虔

太平御覽卷第七十九

侯於是化被天下遂作樂六莖以康位世有才子八人號曰八元亦納四妃卜其子皆有天下元妃有台氏女曰姜嫄生后稷次有娥氏女曰簡翟生高次陳豐氏女曰慶都生放勳次嫫訾氏女曰常儀生帝摯帝摯在位七十五年陶弘景云在位六年一百五歲而崩葬東郡頓丘廣陽里十三年九十二大戴禮曰宰我曰請問帝摯孔子曰玄囂之孫嶠音極之子曰高辛氏生而神靈自言其名取地之財而節用之撫教萬民而利誨之曆日月而迎送之明鬼神而敬事之其色郁郁其德涖涖其動也時其服也土春夏乘龍秋冬乘馬黃斧紼衣執中而獲天下

禮記祭法曰帝摯能序星辰以著眾

春秋元命苞曰帝倍戴干是謂清明發節移蓋像招搖也招搖為天戈楯相副戴之像見天下以為表

古史考曰高辛氏或曰房姓以木德王張顯析言曰高辛氏初生自言其名其君民終無迷謬魏陳王曹植帝摯贊曰祖自軒轅玄囂之裔生言其名木德帝世撫寧天地神聖靈察教弭四海明並日月

帝摯

帝王世紀曰帝摯之母於四人之中其班最下而摯年兄弟最長故得登帝位封異母弟放勳為唐侯摯在位九年政軟弱而唐侯德盛諸侯歸之摯服其義乃率其群臣造唐朝而致禪因委至心願為臣唐侯於是知有天命乃受帝禪而封摯於高辛氏事不經見漢故議即東海衛宏所傳云爾

帝堯陶唐氏

帝王世紀曰帝堯陶唐氏祁姓也母曰慶都孕十四月而

生堯於丹陵名曰放勛或從母姓伊祁氏年十五而佐帝
摯授封於唐爲諸侯身長十尺常夢攀天而上之故年二
十而登帝位以火承木都平陽置敢諫之鼓天下大和命
羲和四子羲仲羲叔和仲和叔分掌四嶽諸侯有苗氏處
南蠻而不服堯往而克之于丹水之浦乃以尹壽許由爲
歸命伯夔訪山川谿谷之音作樂六章天下大和百姓無
事有八十老人擊壤于道觀者歎曰大哉帝之德也老人
曰吾日出而作日入而息鑿井而飲耕田而食帝何力於
我哉有焦僂氏來貢沒羽廚中自生肉脯如髮形播鼓自
生風使食物寒而不臭名曰髮脯又有草夾階而生隨月
生死王者以是占日月之數惟盛德之君應和而生故堯
有之名萇莢一名曆莢始封稷契咎繇褒進伯禹納舜于
大麓後年二月又率群臣刻璧爲書東沉于洛言天命當

傳舜之意今中候運衡之篇是也舜攝政二十八年堯與
方迴遊陽城而崩尙書所謂二十有八載放勛乃殂落是
也百姓如喪考妣三載四海遏密八音凡堯卽位九十八
年年百一十八歲墨子以爲堯堂高三尺土階三等堯取
散宜氏女曰女皇生丹朱又有庶子九人皆不肖故以天
下命舜

又曰帝堯氏作始封於唐今中山唐縣是也堯山在北唐
水在西北入河南有望都縣有都山卽堯母慶都之所居
也相去五十里都山一名豆山北登堯山南望都山故名
其縣曰望都

春秋合誠圖曰堯母慶都有名於世蓋火帝之女生於斗
維之野常在三河之南天大雷電有血流潤大石之中生
慶都長大形像火帝常有黃雲覆蓋之夢食不飢及年二

十寄伊長孺家出觀三河之首常若有神隨之者三河之
 北有赤龍負圖出慶都讀之赤受天運運祿也下有圖人衣
 赤光面八彩鬚鬚長七尺二寸兗上豐下足履翼翼署曰
 赤帝起誠天下寶衣赤光像而又着衣也八彩彩色有
 文七奄然陰風雨赤龍與慶都合婚有娠龍消不見龍乘
 故先陰風乃龍至也既乳視堯貌如圖表及堯有知慶都
 婚猶會合或為結也儀表也
 以圖予堯儀表也
 孝經援神契曰堯鳥庭荷勝八眉堯火精人也鳥庭庭有
 微庭也朱鳥戴聖荷勝微庭也朱鳥戴聖荷勝
 論語曰大哉堯之為君也巍巍乎唯天為大唯堯則之孔
 國曰則法也美堯蕩蕩乎民無能名焉蕩蕩廣遠之稱言
 則法天而行之也蕩蕩乎民無能名焉布德遠民無能名
 巍巍乎其有成功也高功成化隆煥乎其有文章
 孔叢子曰堯身脩十尺眉乃八彩實聖也

龍魚河圖曰堯時與羣臣賢者到翠嬀之淵大龜負圖來
 出授堯勅臣下寫取寫畢龜還水中○易坤靈圖曰其母
 崩去玄雲入戶蛟龍守門母為慶都也天皇之女故曰時
 乘六龍以御天也
 又曰堯天之精陽萬物莫不從者言堯在天帝必有洪水
 之災天生聖人使救之故言乃統天也
 書曰若稽古帝堯孔安國曰若順稽考也能曰放勳欽明
 文思安安勳功欽敬也言堯放世之功化而以允恭克
 讓光被四表格于上下允信也克能也光充格至也既有
 四外至于克明俊德以親九族能以信恭能讓故其名聞于
 天地也既已也百姓昭明協和
 族既睦平章百姓昭亦明也協和黎象時是邕和也言
 萬邦黎民於變時昭亦明也協和黎象時是邕和也言
 尚書中候曰帝堯即政七十載景星出翼鳳凰止庭注鄭玄

翼朱 朱草生郊嘉禾 孽連甘露潤液醴泉出山朱草可以
鳥宿 美也書序曰唐叔得禾異畝 同類此注之為孽連醴亦甘 脩壇河雒榮光起河休氣四
塞美氣四塞炫耀燿燿也 白雲起回風搖龍馬銜甲赤
文綠地所以藏圖赤文色而綠地也 甲臨壇止霽吐甲圖
而覺 霽音齊亦止也 覺音帶去也
又曰中候運行曰帝堯刻璧率羣臣東沈于雒書曰天子
臣放勛德薄施行不元元善
尚書大傳曰堯八眉舜四童子八者如八字也
又曰堯舜之王天下一人不刑而四海治
春秋元命苞曰堯眉八彩是謂通明曆象日月璇璣玉衡
大戴禮曰宰我曰請問帝堯孔子曰高辛之子也曰放勛
其仁如天其智如神就之如日望之如雲富而不驕貴而
不豫黃斧紼衣彤車乘白馬

六韜曰太公曰帝堯王天下之時金銀珠玉弗服錦繡文
綺弗衣奇怪異物弗視玩好之器不寶淫泆之樂弗聽宮
垣屋室弗崇桷椽柱楹不藻飾茅茨之蓋弗剪齊黻黼之
絺履不弊盡不更為也滋味不重糝弗食也温飢煖羹不
酸餒不易也不以私曲之故留耕種之時削心約志從事
無子為

莊子曰昔堯之治天下也使天下人欣欣焉人樂其性
又曰堯治天下之民平海內之政往見四子於姑射之山
汾水之陽窅然喪其天下四子許由齧缺披衣王倪也窅
然猶幽然自失之見言堯以有
事之心至於無為之
人故亦無所用也
又曰堯觀于華封華封人曰嘻請祝聖人使聖人壽使聖
人富使聖人多男子堯曰多男子則多懼多富則多事多
壽則多辱封人曰夫聖人鵠居音食鳥行而無章天下

有道則與物皆昌天下無道則脩德就閒千歲厭世去而
 上仙乘彼白雲至于帝鄉三患莫至身常無殃
 又曰堯治天下伯成子高立為諸侯及堯授舜舜授禹子
 高辭為諸侯而耕禹往見之曰葬治天下吾子立為諸侯
 堯授舜舜授余吾子辭之敢問何也子高曰昔堯治天下
 不賞而人勸不罰而人畏子今賞罰而人且不仁德自此
 衰刑自此立後世之亂自此始矣無落吾事佹佹音乎耕
 而不顧

月子曰人之言君天下者瑤臺九累而堯白屋黼衣九種
 而堯大布宮中三市而堯鶉居珍羞百種而堯糲飯菜粥
 騏驎青龍而堯素車玄駒
 又曰堯舜有天下四海之內皆治而丹朱商均不與焉而
 謂皆治者衆也

又曰舜授天下顏色不變堯以天下與舜顏色不變知天
 下無能益損於己也

又曰人戴冠躡履莫譽堯非桀敬士侮慢故敬侮之譽毀
 之非其取也

韓子曰堯之王天下冬日鹿裘夏日葛衣茅茨不翦採椽
 不斲糲粢之食藜藿之羹雖監門之養不敵於此矣

又曰由余謂秦穆公曰昔堯有天下飯於土軌飲於土形
 其土南至交趾北至幽都東西日月所出入者無不賓服

呂氏春秋曰堯有子十人不與其子而授舜孟子曰堯使
 九男二女事

又曰堯以天下讓於子州支父對曰以我為天子猶之可
 也雖然我適有幽憂之病方將治之未暇在天下也幽隱
 也詩
 日如有天下重物也而不以天下害其生者故可託天下

淮南子曰堯之治天下也舜為司徒契為司馬禹為司空
 后稷為大田師奚仲為工其導萬民也水處者漁山處者
 木谷處者牧陸處者農地宜其事事宜其器械宜其用用
 宜其人澤阜織罔陸阪耕田得以所有易所無以所工易
 所拙是故離叛者寡而聽從者眾譬若播棊丸於地員者
 走室方者處高各從其所安
 又曰人之所以樂為天子者以窮耳目之欲而適身體之
 便也今高臺層榭人之所麗也而堯採椽不斲斥題不枅
言梁柱相斥距 玕惟奇味人之所美也而堯糲梁之飯藜
不着枅櫨也 藿之羹文錦狐白人之所好也而堯布衣掩形鹿裘禦寒
 養生之具不加厚而增之以大任重之以憂故舉天下而
 傳之舜若解重負然非直辭讓也
 又曰堯治天下政教平德潤洽在位七十載乃求所屬天

下之統令四嶽揚側陋四嶽舉舜而薦之堯堯乃妻以二
 女以觀其內任以百官以觀其外既入大麓烈風雷雨不
 迷林屬於山曰麓堯使舜入林乃屬以九子堯有九男贈以昭
 華之玉而傳天下焉
 又曰堯之有天下也非貪萬民之富也而寧人主之位也
 以為百姓力屈強弱相乘眾寡相暴於是堯乃身服節儉
 之行而明愛之仁以和輯之是故茅茨而不剗采椽而不
 斲大路不畫大路天越席不緣越席東大羹不和無味也五菜
 飯不鑿巡狩行教勤勞天下周流五嶽豈其奉養不足樂
 哉舉天下以為社稷非有利焉年衰志閑舉天下之重而
 傳之舜也猶却行而釋蹤也
 又曰堯之時十日並出焦禾穗殺草木而民無所食窳窳
 鑿齒九嬰大風修蛇封豕皆為民害乃使羿誅鑿齒於疇

華之澤壽華南方澤也鑿齒獸持殺九嬰於凶水之上九
 水之大惟為人之害者繳繫失射之有凶水者也繳大風於青丘之澤大風大鷲鳥
 繳繫失射之有凶水者也繳繫失射之有凶水者也繳大風於青丘之澤大風大鷲鳥
 龍狀人齒斷脩蛇於洞庭洞庭南方水也其地食禽封豕
 於桑林封豕大豕也桑萬民皆喜置堯為天子也
 又曰堯王天下而憂不解授舜而憂乃釋○說苑曰河間
 獻王曰堯存心於天下有一人飢曰我飢之也有一人寒
 曰我寒之也一民有罪曰我陷之也仁明而義立德博而
 化廣故不賞而人勸不罰而人治先生而後殺是堯道也
 楊子法言曰堯能則天者以其能臣二聖二聖舜禹也
 又曰堯舜之德輕於鴻毛
 潛夫論曰堯舜之德譬猶偶燭施明於幽室也前燭照之
 後燭益明非前燭昧後燭彰也乃二燭相因而成大光

荀悅申鑒曰思唐虞於上世瞻仲尼於中古乃知小道足
 羞也

譙子法訓曰唐虞之衣裳文法禹稷之溝洫耕稼人至今
 被之

表子正書曰堯避舜於濟陰今定陶有堯冢信乎

符子曰許由謂堯曰坐于華殿之上面雙闕之下君之榮
 願亦已足矣夫堯曰坐于華殿之上森然而松生棘余立
 於櫺屏之內霏焉而雲生于牖雖面雙闕無異乎崔嵬之
 冠蓬萊雖背墉墉無異乎迴轡之縈崑崙余安知其所以
 不榮

鄧析言曰古詩云堯舜至聖身如脯腊桀紂無道肌膚二
 尺
 夢書曰堯夢乘龍上天舜夢擊天鼓

